

XIKWEMBU XA TI TIVISA

XONA N'WINYI HI

SWIHLAWULEKISO SWA XONA

 Ndzi kumeke ndzi hlamala loko ndzi vona munghana wa mina, Joseph Boze, lahaya, nakona ndzi hundzulukile ndzi teka xinkadyana ndzi qhavula voko ra yena.

² A hi pfuleni sweswi eka Rito ra Xikwembu, eka Vaheveru, kavanyisa ka vu1. Ndzi lava ku hlaya, xindhawani, xa vu1, xa vu2, na xa vu3 xa ndzimana, laha hi nga ta humesa kona dyondzo ya vusiku.

Xikwembu, lexi hi minkarhi leyo tala ni mikhuva leyo hambana-hambana xi vulavuleke khale na vatatana hi milomo ya vaprofeta,

Kambe emasikwini lawa yo hetelela xi vulavurile na hina hi Nwana wa xona, loyi xi n'wi vekeke ku va mudyandzhaka wa swilo hinkwaswo, loyi naswona xi endleke misava ha yena;

Yena yaloyi a nga ku vonakala ka ku kwetsima ka xona, ni xivumbeko xa xiviri xa xona, loyi a tameleke swilo hinkwaswo hi rito ra yena ra matimba, loko a tava a...tshamile evokweni ra xinene ra Loyi a nga ni vukulu hinkwabyo bya le henhla;

³ A hi korhamiseni tinhloko ta hina sweswi hi khongela. Kutani sweswi eka Vukona bya Yena lebya Vukwembu, loko u ri na xikombelo lexi u lavaka leswaku xi tiveka eka Yena, u nga ha yimisa voko ra wena, nakona xexo i xikombelo xa wena, lexi Xikwembu xi nga ta...

⁴ Tatana wa hina wa le Matilweni, ha ta sweswi ehenhla emahlweni ka xiluvelo xa Wena, hi ripfumelo hi Vito ra Yesu Kreste, N'wana wa Wena. Nakona hi nyikiwile xitiyisiso lexi, leswaku, "Loko hi kombela xin'wana na xin'wana hi Vito ra Yena, swi ta nyikiwa." Nakona Wena u tiva ku tsakela ka hina na swilaveko swa hina, nakona Wena u tshembhisile leswaku U ta nyika hinkwaswo leswi hi nga na swilaveko swa swona. Swingaleswi, Tatana, hi ta khongela tani hilaha U nga hi dyondzisisa xiswona, "Ku Fuma ka wena a ku te. Ku rhandza ka wena a ku endliwe emisaveni, tani hiloko ku endliwa eTilweni." Leswaku xikombelo xa hina, vusiku lebyi, xi nga hava kuya hi ku navela ka Wena ku xi nyiketa, nakona hi nyike minkateko leyi. Tota Rito, Hosi, na hinkwaswo swivilavuri na vayingiseri,

ingaku Moya lowo Kwetsima wu nga ha nghena wu fika wu va muendli wa Rito, vusiku lebyi, exikarhi ka hina. Hikuva ha swi kombela hi Vito ra Yena. Amen.

Mi nga tshamisa.

⁵ Mundzuku na mixo, ndza swi twisisa, i xifihlulo xa Full Gospel Business Men. Hi ntoloveloo, laha va vaka na ku hlanganyela, ndzi na nkateko wo vulavula eka xifihlulo xa vona. Ku fikela nkarhi lowu, hi wona nhlangano wu ri woxe, lowu wu nga riki nhlangano, kambe, ntlawa wu ri woxe lowu ndzi—ndzi nghenaka kona, i wa Christian Business Men. Nakona sweswi ntsena ndzo va vulavulela, tiko hinkwaro.

⁶ Sweswi, vusiku lebyi, hi tshembha leswaku ku hlengaletana loku a ku ngevi ka hava. Ndzi tile eka n'wina, ndzi karhele, nkolo lowu wu nga hlakala, na ku kuma, sindzekelo wuntsongo ku sukela . . .

⁷ Ndzi ta ndzi huma eTucson laha hakunene ku nga kahle ku tlhela ku oma, nakona ndzi tile lahawani kutani ku kahle ku tlhela ku tsakama, swingaleswi hakunene ku na ku hambana. Loko hinkwenu ka n'wina mi ri na mati lahawani, loko ngi mi nga ya rhumela lomu hi humaka kona, hi nga swi khensa. Kambe a mi nge swi koti ku swi endla, hakunene.

⁸ Kambe ndza mi byela nchumu wun'we, ku na xifananiso kwalahaya. Hinkwaswo swilo swa hina—hina—hina eArizona, minsinya ya hina, yi tele hi minkhavi. Wun'wana na wun'wana wu na nkhavi. Swi hikokwalaho ka kuva ku omile. Sweswi loko xihlahla lexi xi fanaka a xilo mila lahawani, a xi tava na tluka ra kahle ro rhandzeka. Ma vona, a xi na mati, hi xona xivangelo xa kuva xi hundzukile nkhavi.

⁹ Na loko kereke yi kumeka yi ngari na Mati ya Vutomi, yi kumeka yi omeriwile yi tlhela yi lala, na yona, ku lala na ku fayetela swin'wana na swin'wana. Kambe laha ku khulukaka mamati ya Vutomi, ya pfula tluka ya ri endla ri olova, ri tsokombela ri tlhela ri nandzika, ri kwetsima ri tlhela ri amukeleka eka Xikwembu. Swingaleswi ingaku Hosi Xikwembu xi nga hi cheleta, vusiku lebyi, leswaku hi ngavi minkhavi; kambe hi tava matluka ya kahle lawa vanhu lava va nga lawulekiki va nga tshamaka ehansi ka nsinya wa ndzhuti wa hina va kuma ku wisa eka mimoya ya vona.

¹⁰ Sweswi ndzi lava ku teka tsalwa, vusiku lebyi, loko Hosi yi swi rhandza, nakona ndzi koka xiteka-marito lexi leswaku xi tshunela xi va ekusuhi tani hilaha ndzi nga ta kota hakona, hikokwalaho ka ku pfumaleka ka rito. Ndzi lava ku, ku suka eka ku hlaya lahawani ka Vaheveru 1:1, ndzi lava ku teka tsalwa ra ku: *Xikwembu Xa Ti Tivisa Xona Nwinyi Hi Swihlawulekiso Swa Xona*. Ingaku ndzi nga swi vuyelerisa sweswo nakambe, hikuva ndza swi tiva leswaku mpfumawulo lowu a wu kahle

lahawani. Xkwembu xa ti tivisa Xona n'winyi hi swihlawulekiso swa Xona.

¹¹ Sweswi, hakanyingi xin'wana na xin'wana xi tiveka hi swihlawulekiso swa xona. Nakona ndzi na Matsalwa mantsongo lahawani lawa ndzi nga ta...na tinotsi, leti ndzi nga tsakelaka ku kongomisa kona. Sweswi, xihlawulekiso xa xin'wana na xin'wana xi tivisa leswi xi nga xiswona.

¹² Sweswi, kukotisa eka ntumbuluko hinkwawo, swiluva swa tiveka, minkarhi yo tala, hi xihlawulekiso xa swona. Loko swi ri ekusuhi swin'we, swa ximilani xin'wana eka xin'wana, xihlawulekiso xa xiluva xexo xi ta tivisa leswi xiluva xexo xi nga xiswona. Nale ka vutomi bya nhova, minkarhi yo tala...

¹³ Ndzi—ndzi muhloti. Nakona u fanele ku tiva xihlawulekiso xa xiharhi lexi u xi hlotaka, kumbe nkarhi wun'wana u nga ha kumeka u kanganyiseka. Xikombiso, kukotisa Stone Sheep ehenhla eBritish Columbia. Ntsena a ndzi ri ehansi ka Yukon eka ku hela ka nguva leyi, vunyingi bya vamakwerhu lahawani a va ri na mina, nakona a hi ri eku hloteni.

¹⁴ Sweswi loko u nga tivanga ku hambana, loko u ri karhi u landzelerisa nyimpfu kumbe ndhakazi, a wu nge swi koti ku vula ku hambana ka swona handle ka loko u ri muhloti la tlhariheke. Hikuva, swi endla muxaka wun'we wa laha swi nga kandziya kona; swa tlula-tlula loko swi tsutsuma. Nakona u ta vona xin'we xi yime eka mpfhuka, na nhloko ya xona leyi yi nga tumbela, hikokwalaho ka yini, u—u nga ha tikeriwa hi ku tiva ku hambana. Swi kumeka swi ri swa sayizi yo fana; ku tsemekanya xiphemu xa lunda, i ko basa, ntsena tani hi ndhakazi. Swi nga ha tika ku ti vula. Kambe timhondzo ta yona ti tivisa xihlawulekiso xa yona, hi timhondzo ta ton. Nyimpfu yi na rimhondzo ra mitontswi leyi humeleke ehandle, nakona ndhakazi yi na rimhondzo ra mitontswi leyi humeleke ehandle. Nakona nchumu wun'wana, ndhakazi loko yi famba a yi nga taya ehenhla ngopfu, ku ya dya.

¹⁵ Na yona mbuti, loko yi famba, na yona, ku na xihlawulekiso eka mbuti, na nyimpfu, leswi u fanelaka ku tiva ku hambana eka swona, loko u ri le henhla, hikuva havumbirhi bya tona ti tshama emaninginingini ya ntshava. Mi fanele ku tiva ku hambana. Kambe loko mi nga swi xiyisisa, e—e mbuti ya tiphija-phija loko yi famba; laha, nyimpfu yi tshamisekisa milenge ya yona kukotisa *leswi*, tani hi loko yi famba. Xihlawulekiso swa ndlela leyi yi endlaka vuthala bya yona hakona. U kota ku tiva xiharhi xa wena hi swihlawulekiso leswi xi swi endlaka, na maendlelo ya xona, na leswi swi dyaka, na hinkwaswo. Xa ti tivisa xona n'winyi hi xihlawulekiso swa xona. Kutani u tlula xin'wana, nakona u hlalela leswi nga ta humelela, u nga ha vula ndlela leyi swi yaka kona. U nga ha vula hi xihlawulekiso xexo xa xiharhi lexi hambaneke.

¹⁶ Kutani mi kale mi swi xiyisia, a ndzi swi tivi loko mi ri na swona lahawani kumbe mi ngari na swona, masowha; kunene, sowha i vito ra kahle ra swona, na n'waripetani. N'waripetani xi lava ku ringana na sowha. Nakona loko mi vona leswi mbirhi swi haha, havumbirhi swi kumeka swi ri swa muxaka wun'we wa swinyenyani. Loko u nga tsandzeka ku vona muhlovo wa swona, ntsena swi hlaleleni, mi ta vula leswaku sowha hi rihi. N'waripetani xi haha, ku fambelana nyana, na ntila wa tinyoxi. Kambe sowha, ri tlharhamula tipiko ta rona; tani hiloko ri tlharhamula tipiko ta rona, ri ya ehansi nale henhla, ri ya ehansi kutani ehenhla. Ma vona, ra ti vuyetela hi roxe, tani hi *sweswo*, nakona u nga ha vula leswaku xexo i xihlawulekiso xa sowha, hi ndlela leyi ri hahisaka xiswona.

¹⁷ Loko mi nga xiyisisa e—e n'hwari loko yi huma, hi ndlela leyi yi humaka ha yona. Nakona mi languta loko mi ri enhlangasini, laha ku nga va ka na n'hwari, na e—na nghelenkele. N'wina vahloti ma ti tiva teto. Nghelenkele na dlodloma, ta ti tivisa tona hi toxo hi ndlela leyi ti humaka ha yona na hilaha ti fambisaka xiswona. Ti tiviwa hi xihlawulekiso xa tona xo haha, leswaku i muxaka wa njhani wa swinyenyani. Swingaleswi, loko ntsena u nga ti twa, ntsena u nga ha vula leswaku hi yihi, hi ndlela leyi yi humaka ha yona, leswi yi nga xiswona, hi xihlawulekiso xa ku haha ka yona.

¹⁸ Tani hi wanuna na wansati. Havumbirhi bya vona i vanhu, kambe wansati u na swihlawulekiso swo hambana eka wanuna. A ndzi ri eku hlayeni lahawani, eka nkarhi lowu wu nga hundza, hi mayelana na Solomon na hosikazi. A ndzi kumekanga ndzi chumayela Xihungwani xa mina lahawani, eka n'wina, eka hosikazi ya le Dzongeni, yi ngata yi te vona Solomon, na ku vona nyiko yaleyo ya ku vonisisa. A ndzi ri eku hlayeni ha sweswo, kona kwala ku ngari khale, nakona va vurile, leswaku, "Xin'wana xa leswi swi hlamarisaka xa leswi a swi vekiwile emahlweni ka Solomon, a kuri leswaku, hosikazi leyi yi tekile wansati, kumbe vavasati, kumbexani, yi va ambarisa kukotisa vavanuna."

¹⁹ Sweswi, sweswo a swi ri swa tiko rimbe hi siku lero, kambe hakunene a swi ri swa siku leri, namuntlha. Nakona—nakona ma swi tiva leswaku swi hoxekile sweswo. Bibele yi te wansati a nga fanelanga ku swi endla sweswo. "I manyala kuva wansati a ambala nguvu leyi yi yelanaku na ya wanuna." Nakona Xikwembu lexi nga ncincekiki xi vule tano, swingaleswi walowo i ntiyiso.

²⁰ Swingaleswi hi kuma leswaku Solomon, a nga ha lavanga ku va languta, u va pfumelerile ku famba kumbe ku endla swin'wana, nakona xikan'we-kan'we loko va ku, "I vavasati." Wa vona, a kota ku swi vula hi xihlawulekiso xa wansati luya, hi ndlela leyi a ti khomisa xiswona, leswaku hi yena wansati ku ngari wanuna.

²¹ Nakona hakanyingi nchumu wun'wana na wun'wana wu hi ndlela yaleyo, na swihlawulekiso swa wona. Ntsena kukotisa vanhu votala va tirhisaka voko ra ximatsi, na lava va tirhisaka voko ra xinene. Vana xihlawulekiso xa hi ndlela leyi va ti khomisaka xiswona. U nga ha vula loko kuri munhu wo tirhisa voko ra xinene kumbe wo tirhisa voko ra ximatsi, hi ndlela leyi va ti khomisaka xiswona hi vox, hi ndlela leyi va fikelelaka ha yona minkarhi hinkwayo hi voko lero ra ximatsi kumbe voko ra xinene.

Nakona tsundzukani, Yesu a ri na swin'wana swo kotisa sweswo, leswaku . . .

²² Mavoko mambirhi hikanyingi ma...Ma fana. Ma na migandlazo yin'we ya tintiho, migandlazo ya ntitiho, ntitiho ta ntlhanu; xintiwhani, ku ta sasankambana, na swin'wana na swin'wana. Ntsena kukotisa voko ra xinene na voko ra ximatsi ya nga na muxaka wun'we wa ntitiho, hi ntolovel, voko ra sayizi yin'we, ntsena ku fanana. Nakona ku hambana kun'we ntsena loku ku nga kona, eka wona, hi leswaku lerin'wana i ximatsi lerin'wana i xinene. Hi kona ku hambana ka kona ntsena u nga ku vulaka. Lerin'wana i ximatsi, lerin'wana i xinene.

²³ Swingaleswi eka sweswo, Yesu u te...Ndzi nga ha chela mhakanyana lahwani. Yesu u te, eka Matewu 24, leswaku, "Swihlawulekiso swa Moya swi ta fanana hi masiku ya makumu, swi va ekusuhi ku fika laha swi nga kanganyisaka na vona vahlawuriwa loko swi nga koteka." Ma vona, ntsena va tava . . .

²⁴ Loko u teka voko ra wena u ri khomelela ntsena ri ya ehenhla. Ma vona, loko wo ka u nga swi xiyisisi, rin'we ra wona ri languteka kukotisa lerin'wana, hi ndlela yin'wana na yin'wana, kambe rin'we ra wona i ra ximatsi nakona lerin'wana i ra xinene.

²⁵ Yaleylo hi yona ndlela leyi mimoya yi nga xiswona hi siku ro hetelela. Ya fanana, kambe yi na xihlawulekiso lexi xi yi tivisaka. Wun'wana wu kahle, kutani lowu wun'wana wu hoxekile, nakona wu nga tiviwa hi swihlawulekiso swa wona.

²⁶ Moya wa Xikwembu wu nga ha tiviwa hi xihlawulekiso xa Wona. Ma vona? Moya wa Xikwembu, na moya wa kereke. Ku na moya wa kereke, na Moya wa Xikwembu lowu hi ku hetiseka wu nga faniki na moya wa kereke, eka hinkwaswo.

Ku na moya wa xidinominexini.

²⁷ Ku na moya wa tiko. Ku na moya wa tiko. Tiko rin'wana na rin'wana, loko ndzi ya eka rona, u nghena eka rona lahaya, u ta kuma moya wo hambana. Ndzi yile eFinland, i vanhu va kahle, kambe a kuri na moya wa xi Finnish. Ndzi rhelerile eGermany, ku na moya wa xi Germany.

²⁸ Lahawani ku ngari khale ngopfu, a ndzi ri eku fambeni na nsati, loko ha ha tshama e Indiana, malembe yo hlaya lawa ya nga hundza, kuya eka supermarket leyintsongo. Ntsena a

ndza ha ku vuya ekaya. A hi fanele kuya hi ya kuma swakudya. Nakona endleleni ya mina yo ya kwalahaya, hi... A kuri nkarhi wa ximumu, swi nga endleka mi nga swi pfumeli, kambe hi kumile wansati loyi a ambarile rhoko. Nakona a swi chavisa, ndzi... Swi ndzi tseme nhlana. Ndzi—ndzi ku, "Languta lahaya, sweswo swi languteka swi chavisa, wansati luya u ambarile rhoko." Hinkwavo ka vona a va ambarile swiambalo leswi a swi nga... leswi a swi ngari swa wansati. Nakona—nakona u te... Ndzi ku, "Kunene, walowo wo va ntsena moya wa Amerika, ma vona, moya wa Amerika."

²⁹ Sweswi, moya wa Amerika, wu va... a ri fanele ri ri tiko ra Xikreste, kambe moya wa tiko leri a hi wa Xikreste. Ri nga ha vitaniwa tiko ra Xikreste, kambe ri le ka miliyoni wa timayili ekule na byona, hi xihlawulekiso. Swingaleswi, wansati loyi, ndzi ku...

A ku, "Kunene, xana a hi hina ma Amerika xana?"

³⁰ A ku, ndzi ku, "Ee. Hi tshama kona kwala. Leri i tiko ra hina. Hi—hi—hi tshama eka rona. Ha ri rhandza. I tiko ro antsوا emisaveni. Kambe, hambiswiritano, a hi ma Amerika." Ndzi ku, "Hi tswariwe ku suka Ehenhla. Moya lowo Kwetsima wu xikele ehansi, nakona hi va Mfumo. Lowu wu nga riki wa misava leyi." Ndzi ku, "Hi xona xivangeli xa kuva vasesi va hina va ambala tirhoko, va ri na misisi yo leha, a va toli timekapu. Ma vona, swihlawulekiso swa vona swa va xakahata tani 'hi lavo kwetsima eka Hosi,' ku suka Ehenhla."

³¹ Swingaleswi, hi lava Mfumo. Hi lava Hosi leswaku yi ta yi ta teka lava va nga va Yona kuya eka Mfumo wa Yona. Nakona va tiviwa hi swihlawulekiso swa vona—vona, leswaku rifuwo ra vona a hi ra misava leyi kumbe tiko leri. Hi leri ri humaka ehenhla, eVukwetsimelweni. Swingaleswi, vona, "Va langutele Doroba Leri Muaki wa rona na Muendli ku nga Xikwembu." Va xakahatiwe kahle.

³² Ndzi navela wo nge a ndzi ri na rito leri ringaneleke leswaku ndzi mi chumayeleta yusiku byin'wana. Kambe ndza—ndza suka eka sweswo. Sweswi, ku tiviwa hi swihlawulekiso swa kona.

³³ Hi kuma xikombiso xa kahle lahwani hi nkarhi wa Israel, loko ri ta etikweni ra xitshembhiso. Nakona Xikwembu xi va vitanile kuya hi xitshembhiso xa Xona. Xi byerile Abraham leswaku, Xi ta... vatukulu va yena va tava etikweni leri rimbe, ku ringana mune wa madzana wa malembe, nakona Xi ta n'wi humesa hi voko ra matimba swinene, nakona va taya etikweni, kutani, leri nga tshembhiswa, leri ri khulukaka ntswamba na vulombe. Kutani loko nkarhi wa xitshembhiso wu tshinela, ku ta e—e Faro loyi o ka a nga wu lemukanga ministri lowukulu wa Yosefa lowu a ri na wona exikarhi ka vona.

³⁴ Nakona, leswi, Xikwembu xi pfuxile muprefeta hi vito ra Muxé. Nakona wanuna a dyondzisiwile hi vutlhari hinkwabyo

bya ma Egipta. A swi kanakanisi handle ka kuva a ri lonkulu, wa malwandla, munhu wo tlhariha, hikuva a ta dyondzisa ma Egipta vutlhari. A swi languteka tani hi loko a ringanel a kahle—wanuna wo ringanel a kahle ku ntshuxa.

³⁵ Kambe, ma swi vona, leswi hi swi vitanaka ku ntshuxa, na leswi Xikwembu xi swi vitanaka ku ntshuxa, i ku hambana kun'wana.

³⁶ Sweswi hlalelani wanuna loyi na hinkwabyo vumunhu bya yena. A swi tiva leswaku a tswaleriwe ku ntshuxa vana va Israel. Hambiswiritano, na dyondzo ya yena hinkwayo, hi sweswo ntseña leswi a swi tiva, na ku tiva leswaku a vitaniwile hi Xikwembu ku ta endla ntirho, a ri na swona hinkwaswo swa yena... A ri na Bachelor of Art, na Ph.D. ya yena, na LL. D., na swin'wana na swin'wana. Nakona u yile a ya ntshuxa Israel, nakona u hlulekile.

³⁷ Sweswi xiyisisani, swi tikomba tani hiloko, yena a kandziyile xiluvelo hi nkondzo wa yena eEgipta, leswaku a tava Faro, leswaku a ta kota ku ntshuxa vana va Israel endzhaku ka loko a tava a vile Faro, hikuva a ri loyi a landzela elayinini eka—eka xiluvelo. Kambe, ma swi vona, leswaku, hi ku endla hi ndlela yaleyo, a nga ta tivisa xihlawulekiso xa Xikwembu hi ku ntshuxa vanhu va Xona.

³⁸ Xi te xi ta va ntshuxa. *Xi* ta va “ku ntshuxa hi voko ra matimba,” ku ngari Muxé hi vuthu ra matimba, kambe Xikwembu hi voko ra matimba.

³⁹ Hi kuma leswaku muprofeta loyi u balekile nakona a ri emananga ku ringana makume mune wa malembe. Swi tekele Faro makume mune wa malembe ku borhela dyondzo eka yena, nakona swi tekela Xikwembu makume mune wa malembe ku yi borha yi huma eka yena. Swingaleswi hi kuma leswaku, siku rin'wana, leswaku yena, etlhelo ka mananga, u hlanganile na Xikwembu eka xihlahla lexi xi pfurhaka, hi xivumbeko xa Langavi ra Ndzilo ri pavalarile exihlahleni. Nakona u komberiwe ku hluvula tintanghu ta yena, leswaku, misava leyí a yimile eka yona a yi kwetsima. Sweswi langutani eka loyi wa kahle, wa ndhavuko, munhu loyi a dyondzekeke, leswi a ri xiswona, hlalelani ku ncinka ka swihlawulekiso swa yena endzhaku ka loko a hlanganile na Xikwembu. U endlile swa kahle...

⁴⁰ Nkarhi wun'wana Xikwembu xi endla swilo hi ndlela yo olova, na hi ndlela yo tani hi ya vumphuta, eka miehleketo ya xinyama yo ehleketa. Xiyisisani wanuna loyi a ri mutsandzeki hi ku hetiseka; na mavuthu ya ma Egipta na hinkwaswo leswi nga ekusuhi na yena ku ta endla ku rhandza ka Xikwembu, na dyondzo ya yena hinkwayo, eka xiyimo xa makume mune wa malembe hi vukhale, eka lawa ya yena yo rhanga. Hi loyi lahawani, a ri makume nhungu wa malembe hi vukhale, mixo

lowu wu landzelaka, na nsati wa yena a tshamile eka xitshamo xa meyila, na xihlangi enyongeni ya yena, na nhonga evokweni ra yena, a ri karhi a rhelela eEgipta, ku ya ri teka. U vulavula hi mbono wo hlekisa! Kambe sweswo a swi ri karhi swi vonakarisa swihlawulekiso swa Xikwembu, hikuva a Xi ri na wanuna loyi a nga pfumelaka Rito ra Xona. Hi swona hinkwaswo. Nchumu wa kona a kuri leswaku, mi nga ha wu anakanya nhlaselwa munhu a ri un'we a ya eEgipta, laha, vuthu ri nga tsandzeka? Kambe a kuri yini? Xihlawulekiso xa Xona, mano ya yena a ya ncinciwile. A ri eku fambeni hi Vito ra Hosi, "NDZI YENA LOYI NDZI NGA YENA." Nchumu wa kona a kuri leswaku, u ri tekile. U swi endlile, hikuva a ri karhi a famba hi Matimba ya Hosi.

⁴¹ Endleleni ya yena, a ri karhi a rhangela Israel ku ya etikweni ra xitssembiso, u tile a ta ti hlanganisa na makwenu wa yena, makwenu wa yena wa xidinominexini, Moab. Sweswi, Moab, handle ka ndlela yin'wana, a vari vahedeni. Valava a vari vana va nhwana wa Lot. Un'wana wa vanhwana va yena ku—ku tlurhukile Moab.

⁴² Sweswi, kwalahaya, ndzi lava leswaku mi xiyisisa matiko lawa ya mbirhi, eka ku hambana. Lahawani a kuri na Egupta, swintsongonyana, ri hangalakile, kuri hava tiko leri ri nga yaka eka rona, kuri hava vakongomisi kumbe ku ri hava hosi, kumbe nchumu, kumbe un'wana wa vachaviseki exikarhi ka vona, ntseña vanhu lava va nga eka ndlela ya vona yo ya etikweni ra xitsembhiso. Nakona lahawani a va fanele va hundza hi le tikweni ra va Moab. A ri ri eka layini ya xitsembhiso.

⁴³ Kutani Moab, na vona, a vari vapfumeri eka Yehovha, nakona a vari na muprefeta. Na Israel a ri ri na muprefeta. Havumbirhi bya vona a vari na vaprefeta.

⁴⁴ Nakona sweswi xiyisisani, va fikile endhawini laha muprefeta wa tiko leri ri nga kondleteriwa a ta a ta rhukana tiko lerin'wana, hikuva ntseña a ri ri mutsendzeleki, ri ri hava ndhawu yin'wana yo tshama kona. Swingaleswi va rhelerile.

Nakona hlalelani vaprefeta lavaya vambirhi: Loko swi ta eka mavulavulelo ya xinawu, havumbirhi bya vona a vari na ntiyiso. Hikuva, xiyisisani, Balaam, wa Mubishopo, u n'wi byerile, "Sweswi, u ndzi akela tialtari ta nkombo."

⁴⁵ Nkombo i nambara yo hetisela ya Xikwembu, yi yimelaka Tinguva ta Nkombo ta Kereke, masiku ya nkombo ya ku tumbuluxa, na swin'wana. Sweswi xiyisisani, nkombo, Xikwembu xi hetisela eka nkombo.

⁴⁶ "Nkombo wa tialtari, nakona eka altari yin'wana na yin'wana a ku—ku tlhandlekiwa nkuzi." Sweswi yaleylo a yi ri altari yin'we ni leyia vari na yona emuxaxeni wa Israel. Hi lavaya le hansi eIsrael, na altari yin'we leyia vari na yona ehenhla lahawani; na xithhavelo xin'we, na nkuzi na nkuzi; muprefeta na muprefeta. Matiko mambirhi, eka ku hambana.

⁴⁷ Xikombiso xa kahle swinene xa siku leri hi hanyaka eka rona, loko a hi ri na nkarhi wo nghena eka swona. Xiyisisani, Xikwembu xi endla leswi swi ri eka xifaniso, leswaku hi ta kumisisa, swi fambelana.

⁴⁸ Sweswi, nakambe, Balaam a lava nyimpfu ya xinuna eka altari yin'wana na yin'wana. Sweswo a kuri ku vulavula hi ripfumelo ra yena eka ku vuya ka Mesiya. Nyimpfu ya xinuna, nyimpfu ya xiphongho, rero i gandzelo rin'we na leri a vari na rona ehansi eIsrael; ehansi emuxaxeni wa Israel, ehenhla lahawani ekusuhi . . . eka Moab. E . . . Ku ya hi nawu, havumbirhi a vari na ntiyiso, kambe, xiyisisani, hi nawu eka dyondzo.

⁴⁹ Kambe muprefeta un'we ehansi emuxaxeni wa Israel a ri na swihlawulekiso swa Xikwembu na Rito ra Xikwembu. A tshama na xitshembhiso xa Xikwembu xa nguva yaleyo, hikuva a ri eka ntila wa kuya etikweni ra xitshembhiso. Wa vona?

⁵⁰ Sweswi, tani hi xiphemu xa nawu, Balaam, Balak ntsena a ta tivisiwa tani hi Muxé leswi a ri xiswona.

⁵¹ Kambe, ma swi vona, Muxé, kuva a ri muprefeta loyi a lulameke wa Xikwembu, ku ngari leswaku a ri na swiave swa nawu, kambe a ri na vutitivisi bya Xikwembu. Wa vona, a ri eka ntila wa ntirho, hakunene leswi swi nga tshembhisiwa swa nguva yaleyo; ku ngari nguva liya ya Nowa, kambe nguva ya nkarhi walowo. "Ndzi ta mi teka ndzi mi yisa etikweni leri ri khulukaka ntswamba na vulombe." A vari endleleni ya vona, nakona Israel ri tivisiwile na muprefeta wa rona, Muxé, hi Hungu ra nguva yaleyo. Swihlawulekiso swa Xikwembu swi tivisiwile eka Muxé. Langavi ra Ndzilo a ri n'wi landzelela. Nakambe a ri na xikhumelo lexi a xi ri eku tirheni; ku ngari ku vulavula hi xona, a xi ri eku tirheni. Ku ngari leswi swi nga tava kona; leswi swi nga kona sweswi!

⁵² Xiyisisani, a ri na nyoka ya brasi leyi yi nga tlakuseriwa ehenhla hikokwalaho ka vuvabyi na mavabyi ya vanhu, swingaleswi Muxé a titoloveta ku horisa ka Vukwembu. A ri na gandzelo ra ndzivalelo, nyoka ya brasi, yi kombisaka leswaku Xikwembu a xi ri emuxaxeni, nakona vanhu a va langutile eka nyoka yaleyo ya brasi kutani va hanyisiwa.

⁵³ Nakambe a ri na Ribye leri nga biwa ri ri karhi ri n'wi landzela hi le ndzhaku. Nakona sweswo a swi ri eku tiviseni ka Xikwembu, ku hlayisa Mamati ya Vutomi exikarhi ka vona, ntsako na ku ponisiwa, leswaku va ngaka va nga lovisiwi kambe va ri na Vutomi lebyi nga heriki. A kuri muxaka wa . . . Ribye lero ri nga biwa emananga a ri ri xifaniso xa Kreste kuva a biwa.

⁵⁴ Kutani, a va famba eka ntila wa xitshembhiso. Byebyo a byi ri vutitivisi byin'wana, ku kombeta swihlawulekiso swa Xikwembu. Swi ngari na mhaka leswaku loyi un'wana a ri na xinawu njhani na Rito; a ri na xinawu, ku hlangana na ku tixakahata, na xihlawulekiso xa Xikwembu exikarhi

ka vona. Xikwembu xi ti tivisile xona hi Xoxe. Vaprofeta vambirhi, havumbirhi bya vona a vari vaprofeta, nakona havumbirhi bya vona vari va nawu; kambe Xikwembu xi kombisile swihlawulekiso swa xona eka Muxé, hikuva a ri na swihlawulekiso swa Xikwembu eka yena.

⁵⁵ Sweswi, nakambe, minkarhi hinkwayo swihlawulekiso swa Xikwembu swi va leswi nga ehandle ka ntumbuluko, hikuva hi Xona xi nga ehenhla ka ntumbuluko. Xikwembu hi xona xi nga ehenhla ka ntumbuluko. A xi tolreveleki, minkarhi hinkwayo, eka maendlelo ya ximanguva lawa ya ku ehleketa ka siku. Ma swi tiva sweswo. Xikwembu minkarhi hinkwayo xi onha makete ya mihandzu, eka—eka mintlawa ya vakhongeri eka nguva yin'wana na yin'wana leyi nga tshama yi hundza.

⁵⁶ Nakona a swi se tshama swi endleka na kan'we leswaku munhu kumbe ntlawa wa vanhu kuva va tshame va ti kondletela vona hi voxé kun'we ehenhleni ka hungu handle ka kuva va file va ya a vuahirhini, nakona a va ha pfukanga nakambe. Ku hava matimu. Malutherans, Mapresbyterians, Mamethodists, Mabaptists, Mapentecostals, na van'wana, a va kalanga va pfuka nakambe, loko va eku Ri endleni ntlawa.

Xikwembu xi tirhana na un'we-un'we.

⁵⁷ Xiyisisani, a Xi tolrevelekanga eka ndlela yo ehleketa. Wa vona, hi humile eka maendlelo, nakona hi ta faneli ku Ri pfumela hi ndlela *leyi*. Kutani Xikwembu xi tshinela na Rito ra Xona leri Xi nga ri tshembhisa, kutani xi ti tivisa hi Xoxe eka Rito lero. Ntlawa *lowu* wu ngaka wu ngayi eka Rona, hikuva a wu pfumeli eka Rona. Wa vona, wu va wu ti tsemile wu suka eka Rona.

⁵⁸ Kukotisa Yosefa, a ri n'wana wa Davida, nakona a ri wanuna wa kahle, Yosefa nuna wa Maria. A ri wanuna wa kahle, nakona a swi kanakanisi leswaku a hlaya Bibele, matsalwa-songwa, kuya emahlweni, hikuva...nakona a langutele Mesiya leswaku a ta, nakona a fanele a swi tivile leswi Matsalwa ya nga swi vula leswaku swi ta teka ndhawu. Esaya u te, "Ntombhi yi ta tika."

⁵⁹ Kunene, sweswi, a famba na xinhwenyetani lexi, Maria, nkarhi wun'wana xi ri na khume nhungu wa malembe hi vukhale, kutani yena a nga hava a kurilenyana. Kutani loko va ha tshembhisanile leswaku va ta tekana, u ti kombisile kuva a ri manana. Kutani sweswo swi ti kombe swi tikela Yosefa kuva a tshamiseka eka sweswo. A swi kanakanisi hi leswi Maria a nga n'wi byela hi ku endzela hi Gabriel. Kambe ha xiyissa, hi ndlela leyi vumunhu bya yena a byi n'wi fimbisa, u swi kanakanile.

⁶⁰ Sweswi u kumekile a ri manana va nge se tekana. Nakona, eBibeleni, nxupulo wa sweswo a kuri rifu, hi ku khandliwa hi maribye. Wansati wo ka a nga yutiwanga a va a lava kuva manana, a fanele ku khandliwa hi maribye. A kuri hava

vunghwawava eIsrael. A byi humesiwile. Swingaleswi hi kuma leswaku, eka Deuteronomy, yi hi byela sweswo.

⁶¹ Sweswi hi kuma leswaku, Maria, a swi languteka tani hiloko a ringeta ku tirhisa Yosefa tani hi xitlhangu xa matirhelo yan'wana lawa a nga ma endla. Hikuva, loko a lo kumeka a ri manana va nge se tekana, kutani a boheka ku khandliwa hi maribye, kutani a fanelu ku kuma un'wana loyi a ta yima tani hi xitlhangu xa yena. Nakona sweswo swi languteka, ngopfugnopfu, tani hi swona leswi a ringeta ku swi endla.

⁶² Kambe Yosefa a langutisile eka mahlo ya yena yo saseka lamakulu, nakona wansati a ta ku, "Yosefa, Gabriel u te eka mina, 'Moya lowo Kwetsima wu ta ku xurhisa, na Swilo leswi swi nga ta—nga ta ku xurhisa i swa Moya lowo Kwetsima. I Xikwembu. Hi leswi Swi nga ta vitaniwa, "N'wana wa Xikwembu.'"'" Nakona, Yosefa, u—u—u lavile ku swi pfumela sweswo, kambe a swi nga tollovelekanga. Leswi swo ka swi nga se tshamaka swi humeleta.

⁶³ Nakona yaleyo hi yona ndlela ya kona namuntlha. Loko ntseña hi nga... Loko a ndzi ri na ndlela yin'wana ya ku endla leswaku vanhu va swi vona ku ka ku nga tollovelekanga ka xin'wana na xin'wana, loko ku tivisiwa hi Rito, kutani swihlawulekiso swa kona swi khorwisa leswi ku nga xiswona. I Xikwembu eka swiendlo.

⁶⁴ Yosefa a fanele a swi tivile leswi. A fanele a swi tivile leswaku, "Ntombhi yi ta tika." Kambe a tshembhekile hi mayelana na swona. A nga swi lavanga ku n'wi hlongola, exihundleni, kambe a—a anakanya hi ku swi endla.

⁶⁵ Hiloko Ntsumi ya Hosi yi humeleta eka yena hi norho. Xana mi tshama mi tivutisa leswaku hikokwalaho ka yini Yi humelerile hi norho? A kuri hava vaprefeta hi masiku ya vona. Milorho ya vona a yi olovile, a yi nga kali yi lava ku tolokiwa. A ku, "Yosefa, wena n'wana wa Davida, u nga chavi ku ti tekela Maria nsati wa wena, hikuva leswi a swi xurheke i swa Moya lowo Kwetsima." Wa vona, manuku, sweswo swa swi tshamisekisa. Wa vona, Xi tile eka yena hi norho, xa vumbirhi. Kambe, maswivona, a kuri hava muprefeta lahaya ku ta tivisa Rito lero, leswaku, "Loyi i ntombhi loyi a nga ta xurha." Ma vona? Kutani, swingaleswi, Xi humelerile eka yena hi norho, hikuva a tshembheka na kuva a lulamile na kuva a ri munhu wa kahle.

⁶⁶ Nakona ndzi pfumela leswaku Xikwembu xi ta ta eka munhu un'wana na un'wana wa kahle, hi ndlela yin'wana, na ku ti tivisa hi swendlo swa Xona eka munhu yaloye wa kahle, wa nguva, loko munhu yaloye a vitaniwile hi Xikwembu eka nguva yaleyo.

⁶⁷ Sweswi, kambe a swi nga tollovelekanga, ntseña a va nga swi koti ku swi ombo. Kambe, minkarhi hinkwayo, ku humeleta ku

ya hi Rito ra xitshembiso ra nguva, hinkwaswo leswi swo ka swi nga tollovelekangiki.

Sweswi kuna vanhu van'wana va nga ha jika-jika, va ku, "Kunene, *leswi* a switolovelekanga, sweswo i Xikwembu. *Leswi* a swi tollovelekanga."

⁶⁸ Kambe, maswivona, swi fanele ku xakahatiwa hi Rito, nakona Rito i Xikwembu. Ma vona? Kutani xihlawulekiso xa vutitivisi lebyi byi tivisa leswaku i mani, hikuva Xikwembu xi teri, "*leswi* swi ta humelela," nakona swa humelela. Ma vona? Xihlawulekiso xa swona i Rito ra Xikwembu kuva ri tivisiwa hi xihlawulekiso xa leswi humelelaka.

⁶⁹ Xi virile leswaku emasikwini ya makumu Xi ta chela Moya lowo Kwetsima. Xi swi endlile. Swihlawulekiso swa kona swi tivisile leswaku akuri Xikwembu, Rito ra Xona ra xitshembiso. Ma vona, minkarhi hinkwayo swa ti tivisa hi swoxe.

⁷⁰ Sweswi, minkarhi hinkwayo, nkarhi hinkwawo, ku lulamisa rito, loko Rito ri vuriwile hi ku hoxisa. Xana mi kale mi swi xiyisia? A Ri ri emasikwini ya Nowa, leri ri lulamiseke nguva liya ya xisayense, leswaku Xikwembu a xi ya eku tiseni ka mati ya huma ematilweni. A kuri Muxe, ma vona, loyi a lulamiseke loko va tava va tshamile ehansi eEgipta, na swin'wana na swin'wana, kambe Rito ra Xikwembu a ri fanela kuta ri ta ti tivisa. Nakona Ntiyiso wa Rito wu lulamisa xihoxo.

⁷¹ Mi nge ndzi mi vutisa swin'wana. Hi nga ha nghena hi vuenti lahawani. A ndzi fanelanga ndzi chumayela ku dyondzisa kumbe dyondzo, kambe ndzi pfumeleleni ntsena ndzi mi vutisa nchumu wun'we.

⁷² Yesu ari Rito. Ha swi tiva sweswo. Bibele yi vule leswaku swi tano. Mukwetsimi Yohana, kavanyisa ka vul, "Emasunguleni a kuri na Rito, nakona Rito a ri ri na Xikwembu, nakona Rito a ri ri Xikwembu. Nakona Rito ri endliliwe nyama kutani ri aka exikarhi ka hina." Wa hari Rito. Kutani loko A ta kota ku vona mianakanyo ya vona, a va fanele va swi tivile leswaku rero a kuri Rito, hikuva Rito ra Xikwembu ri vule leswi Yena a nga ta swi endla. A ri Muprofeta.

⁷³ Sweswi xiyisisani, hi kuma leswaku loko Yena a tswariwile, kwalomu ka khume mbirhi wa malembe hi vukhale, U yile eka nkhuvu wa tabernakele. Nakona a va yile kwalahaya eka Paseka. Kutani, endleleni ya vona yo tlhelela endzhaku, va fambile rendzo ra masiku manharhu nakona a va N'wi lahlekerile; ku twisisa, ku ehleketa, kumbexani, ku bvumbha leswaku A ngava a ri eka vanhu va ka vona.

⁷⁴ Hi nga ha endla dyondzo ku suka eka sweswo. Sweswo swi tele ngopfu namuntlh! Sweswi n'wina Mamethodist, Baptist, Presbyterian, Lutheran, Khatholiki, hambi mi ngava mi ri va mani, ma vona, mi endla nchumu walowo wo fana. Ma twisisa hikuva Wesley u vile na mpfxelelo lowukulu, Luther u vile na

mpfuxelelo lowukulu, kumbe Pentekosta yi vile na mpfuxelelo lowukulu, ma swi twisia leswaku U le xikarhi ka vanhu, loko, nkarhi wun'wana A nga kona lahayna.

⁷⁵ Va yile va ya N'wi lava. Xana va N'wi kume kwihi? Laha va nga N'wi siya kona, e Yerusalem. Kutani loko va tava va N'wi kumile, xana A endla yini? Xifanyetani, xa malembe ya khume mbirhi hi vukhale, nkarhi wun'wana a ngava a nga nghenanga na xikolo ku tlula leswi mana wa Yena a nga N'wi dyondzisa swona; kutani hi loyi lahawani A ri etempeleni, a ri karhi a phikizana na vaprista lavaya, hi mayelana na Rito ra Xikwembu. Nakona va hlamarisiwile hi vutlharhi bya N'wana loyi. Hikokwalaho ka yini? A ri Rito. Sweswi langutani.

⁷⁶ Nakona sweswi ku ngari leswaku a ndzi mi xiximi n'wina vanhu va Khatholiki n'wina lava mi vulaka Maria leswaku i mana wa Xikwembu, kambe mi nge ntsena ndzi mi kombi xihoxonyana lahawani. Loko kuri hi leswaku kereke yi akiwe ehenhleni ka Maria, langutani leswi nga humeleta. Sweswi u tile a fika a ku, "Oho, tata wa Wena na mina a hi ri karhi hi Ku lava, hi ri na mihloti." Langutani xitamente xexo, wansati u vuye a sola vumbhoni bya yena n'winyi. Wansati u te, "Tata wa Wena na mina a hi ri karhi hi Ku lava-lava, hi ri na mihloti."

⁷⁷ Langutani Rito lero. A ri Rito. U te, "Xana a mi swi tivi leswaku Ndzi fanele ndzi va eka ntirho wa Tatana wa Mina xana?" Langutisani Rito loko ri lulamisa xihoxo. Kona kwalahaya emahlweni ka vaprista lavaya, wansati u mbundzumuxile vumbhoni bya yena. U te u xurhisiwile hi Moya lowo Kwetsima, kutani lahawani u vurile leswaku Yosefa i "tata" wa Kwe. Ma ri vona Rito lero leswaku ri swi kuma kahle hi ku hatlisa? A ri Rito. Sweswi, ma swi tiva leswaku mufana wa khume mbirhi wa malembe a ngaka a nga swi endli sweswo. A ri Rito. A ri Rito leri nga vuriwa ra nguva yaleyo, swingaleswi xihiawulekiso lexi xi nga tivisiwa xa Xikwembu a xi ri eka Kreste. U lulamisile swihoxo. U te . . .

Va te, "Hikokwalaho ka yini, hi vadyondzisiwa va Muxé." Ma vona?

⁷⁸ U te, "Loko a mi ri vadyondzisiwa va Muxé, a mi tava mi Ndzi tiva. U tsarile ha Mina. Muxé u te, 'Hosi Xikwembu xa n'wina xi ta mi pfuxela Muprefeta loyi a kotisaka mina.' A mi tava mi Ndzi tiva loko hi leswaku a mi tivile Muxé."

⁷⁹ Nakona, ma vona, Rito minkarhi hinkwayo ri lulamisa xihoxo xa siku. Kambe vanhu a va swi tsakeli ku swi pfumela. Ntsena va nembelela kwalahaya, ntsena ku fana.

⁸⁰ Kambe Yesu u lulamisile manana wa Yena n'winyi. Nakona manana wa Yena a hoxile, hikuva a vurile leswaku N'wana loyi a nga xurha yena i wa Moya lowo Kwetsima, nakona lahawani u ncinka vumbhoni bya yena na ku vula leswaku Yosefa i "tata" wa yena, a ri tata wa—wa Yesu. Sweswi loko—loko Yosefa . . .

⁸¹ Loko a ri Yena n'wana wa Yosefa, loko hileswaku Yena a ri eka ntirho wa tata wa Kwe, A tava a ri eka vhengele ra vuvatli.

⁸² Kambe A ri eka ntirho wa Tatana wa Yena, ehenhla lahaya eTempeleni, a ri karhi a tshinya mavandla lawaya. Ma vona? A ri eka ntirho wa Tatana wa Yena, ntsena Xifanyetana xa khume mbirhi wa malembe hi vukhale. “Xana a mi swi tivi leswaku Ndzi fanele ndzi va eka ntirho wa Tatana wa Mina xana?”

⁸³ Xana mi kale mi swi xiyisisa loko Yesu a ta ringiwa hi Sathana? Xihlawulekiso xa Yena kwalahaya, loko Yena a ha ri ekuringiweni ka Yena, u ti tivisile kuva Yena a ri Xikwembu, hikuva U tshama na Rito. Ma vona? “Ku tsariwile,” ku vule Sathana.

Yesu a ku, “Nakambe ku tsariwile,” u tshamile na Rito.

⁸⁴ “Xikwembu, hi minkarhi leyo tala,” ha swi hlaya lahwani. “Xikwembu, hi minkarhi leyo tala,” yaleyo i minkarhi ya khale, “hi maendlelo ya tinxakaxaka,” hi tindlela to tala, “xi ti tivisile hi Xoxe eka vaprofeta va Xona hi swivono.” Sweswo a swi ri xihlawulekiso xa muprofeta, a kuri loko a vula swilo leswi swa ha taka nakona swi humelela. Sweswi xexo a kuri xihlawulekiso xa vutitivisi bya yena, leswaku Xikwembu a xi ri na yena. Kutani sweswo swi n'wi nyika timfanelo to toloka Rito ra siku lero, hikuva, “Rito ra Xikwembu ri ta eka vaprofeta,” xihlawulekiso xa muprofeta, leswi A nga swi vhumbha.

⁸⁵ Bibele yi te, “Loko kuri na un'wana, kutani leswi a swi vulaka swi humelela, kutani n'wi yingiseni; kambe, loko swi nga humeleli, mi nga n'wi pfumeli, mi nga n'wi chavi, kambe ra Mina . . . loko-loko Rito ra Mina ri ngari kona eka yena. Kambe loko swi humelela, kutani Rito ra Mina ri le ka yena.” Byebyo i vutitivisi bya Yena. Xexo i xihlawulekiso xa muprofeta.

⁸⁶ Sweswi, Xikwembu, hi minkarhi yo tala, sweswo hilaha Xi nga kombisa swihlawulekiso swa Xona swa vutitivisi bya Xona n'winyi eka munhu, hi ku vulavula hi munhu loyi a nga vitaniwa kuva muprofeta. Sweswi, Bibele yi vula leswaku, “Xikwembu, hi minkarhi yo tala, na hi maendlelo ya tinxakaxaka, xi vulavurile na vatatanha hi vaprofeta.”

⁸⁷ Nakambe ha hlaya, eka Petro wa Vumbirhi, leswaku Rito hinkwaro ra Xikwembu ri tsariwile hi vona. “Vanhua va khale, va fambisiwile hi Moya lowo Kwetsima, kuva va tsala Bibele.” A vari vaprofeta. Rito ri tile eka vona nakona va Ri tsala, va swi tsala ehansi, ehansi ka huhutelo. Xo rhanga a vari vaprofeta lava va tivisiweke, kutani va—va tsarile Rito ra huhutelo, nakona va vile na ku toloka ka nhlavutelo wa Vukwembu hikuva a kuri Xikwembu endzeni ka munhu.

⁸⁸ Sweswi yaleyo hi yona ndlela leyi Xi nga tikombisa xiswona eka swihlawulekiso swa Xona swa vutitivisi, swivono swa vona kuva swi tiyisisiwa, a kuri xihlawulekiso xa Xikwembu eka vona, ku ti tivisa xona n'winyi eka vanhu.

⁸⁹ Sweswi, yaleyo hi yona ndlela yi ri yoxe ya kuva Xi ri endzeni ka Kreste. Muprofeta o va ntsena valanyana. Kreste a ri ku hetiseka ka Xikwembu. Nakona Xikwembu a xi ri endzeni ka Kreste, a ri karhi a rivalela misava hi Yexe. Nakona swihlawulekiso swa Yena swi N'wi tivisile, leswi A ri xiswona, eka swonghasi laha A nge te, "Loko ndzi nga endli mintirho ya Tatana wa Mina, kutani mi nga yi pfumeli. Loko Ndzi ri hava swihlawulekiso swa Tatana wa Mina, kutani mi nga Ndzi pfumeli, mi nga yi pfumeli minkoxo ya Mina. Loko Ndzi pfumala vumunhu bya Tatana wa Mina loyi a nga endzeni ka Mina, kutani mi nga swi pfumeli, eka hinkwaswo."

⁹⁰ Sweswi, swihlawulekiso swa xona a swi ncinci. Xikwembu xi ngaka xi nga ncinci vumunhu bya Xona, ku ngari ku tlula—ku tlula hilaha e—e xinyimpfana xi nga ncincaka vunyimpfu bya xona, kumbe nchumu wun'wana na wun'wana lowu wu nga ncincaka swihlawulekiso swa wona. Hikuva, ntsena loko swi ri swa xidzi, swi xidzi. Nakona loko u ncinka xin'wana na xin'wana, kutani u va u xi ncincile kusuka eka xidzi xa xona.

⁹¹ Swi kotisa ntsena loko u nga teka e—e honci, nakona u nga ha yi hlambisa honci nakona—nakona u tlhela u yi penda minwala ya swikunwani swa yona, kukotisa hilaha vavasati va endlaka ha kona, kutani u yi sasekisa hi phodo, u tlhela u yi ambarisa rhoko ya kahle. Ivi u yi humesa nkati yaleyo, yi ta famba yi kongoma ridakeni, nakona yi ya vumbuluka nakambe. Hikokwalaho ka yini? Hi yona honci, sweswo hi swona hinkwaswo. Kambe, nakona, kambe, ma swi tiva, a wu nga ta endla...

⁹² Xinyimpfana a xi nga ta swi endla sweswo. Xi ngaka xi nga ngheni hambi kuri ku nghena eridakeni lero. A xi lavi nchumu xo xi endla ha rona. I swihlawulekiso swa xona. Ma vona? U nga ha xi ambarisa swiambalo swa muxaka wun'we, kambe xi na ntiiyiso wa leswaku a xi nge swi endli, xi na ntiiyiso wa leswaku xi ngaka xi ngayi. Vuhandle a byi na mhaka; i vundzeni byi nga na mhaka. Sweswi, Xikwembu kuva xi ri xihlovo xa vutomi hinkwabyo...

⁹³ Mi nga tsandzeki ku swi kuma leswi. Ndzi le ku ringeten, eka hinkwaswo leswi swi nga endzeni ka mina, ku endlela n'wina leswaku mi vona swin'wana. Ma vona? I swa n'wina swa kahle, vanghana. I swa le—matshan'wini ya n'wina. Ma vona?

⁹⁴ A ndzi tanga lahawani leswaku ndzi ta voniwa. A ndzi tanga lahawani, hikuva kuri hava ndhawu yin'wana leyi ndzi nga yaka kona. Ndzi tile lahawani hikuva ndzi titwe ndzi lava kuta lahawani. Ndzi titwile leswaku ministri lowu Hosi yi nga ndzi nyika wu boheka ku kombisiwa exikarhi ka vanhu lahawani, nakona ndzi le ku ringeten ka ku mi endla mi vona leswi hakunene Xikwembu xi nga swona sweswi. Hi Xona Rito ra Xona leri nga tshembhisiwa. Minkarhi hinkwayo hi Xona Rito, nakona xa ti tivisa hi Xoxe hi xihlawulekiso Lexi Xona xi nga

xi tshembhisa. Vumunhu byin'wana byi nga pfuka hi nkarhi wo karhi, lebyi byi nga eka Rito, nakona xihlawulekiso xa munhu loyi lexi xi faneleke ku pfuka xi tivisa leswaku yaloye hi yena munhu wa kona.

⁹⁵ Hi xona xivangelo xa kuva Yesu a fanele kuva leswi Yena a ri Xiswona. A va fanele va swi vonile. A swi hlamarisi loko va vile mabofu. Nchumu wa kona... U te, hambi leswi Yena a nga endla mahlori yo tala, hambiswiritano a va nga pfumeli, hikuva Esaya u te, "Va na mahlo kambe a va voni, na tindleve kambe a va twi." Ma vona? Nguva yin'wana na yin'wana, ku ngari nguva ya Yena ntsena; kambe eka nguva yin'wana na yin'wana, hilaha, "Xikwembu, hi minkarhi leyo tala, na mikhuva yo hambana hambana," hambiswiritano ntsena a va nga ta swi kuma.

⁹⁶ Sweswi, swihlawulekiso swa Xona a swi hluleki. Swa fana minkarhi hinkwayo. Sweswi, tsundzukani, xihlawulekiso xa Xona, xihlawulekiso xa Xikwembu, xi ngaka xi nga hluleki. Loko xi swi endla, swi vula leswaku Xikwembu xi hlulekile. Nakona Bibele yi vurile, eka Vaheveru 13:8, leswaku, "Yesu Kreste wa hari yena wa tolo, namuntlha, ni hilaha ku nga heriki." Swingaleswi, hi Yena Xikwembu lexi nga ncincekiki. Vumunhuhatwa byihi na byihilebyi A ri na byona eku sunguleni, Wa hari ximunuhatwa xexiya. Ndlela yin'wana na yin'wana leyi Yena a nga yi tirha, nkarhi wun'wana na wun'wana loko A tshame a endla xin'wana na xin'wana, U xi endla ku fana nkarhi hinkwawo. Loko A nga swi endli, i vumunhu bya Yena byi nga ncinka, ma vona, nakona swihlawulekiso swa Yena swi nga kombisa swin'wana leswi swi nga riki swa Xikwembu. Ma vona? Swingaleswi a hi ngata ku tiva laha...

⁹⁷ Tani hilaha Paul a nge te, "Loko nanga yi nyika mpfumawulo lowu wu nga twisisekiki, i mani loyi a nga ta tilulamisela nyimpi, loko hi leswaku nanga yi nyika mpfumawulo lowu wu nga twisisekiki xana?" Sweswi loko nanga kuri leswaku yi fanele hi ku yimba yi va na "tlhentlha," sweswo hi leswi hi fanelaka ku swi endla, tlhentlha. Loko nanga yi yimba ku "hloma," sweswo hi leswi hi faneleke ku swi endla, i ku hloma. Kambe Nanga i yini xana? I Rito ra Xikwembu. Yi tivisa Xikwembu, hambi i—hambi i ku "gonya ehenhla, ku tshama ehansi, ku tlhentlha, ku khondla mavoko," hambi ku ngava yini. I mpfumawulo wa Nanga ya Xikwembu.

⁹⁸ Nakona mpfumawulo lowu wu nga twisisekiki, loko Bibele yi vula swin'wana swi fanele ku humelela; un'wana a ku, "Oho, sweswo a swi huma eka siku rin'wana, sweswo." Manuku ku na mpfumawulo lowu wu nga twisisekiki lahaya. Kutani a wu swi tivi leswi u nga swi endlaka.

⁹⁹ Yesu u teri, "Ndzi na matimba yo vekela Vutomi bya Mina ehansi na ku tlhela ndzi byi pfuxa nakambe." Ku hava mpfumawulo lowu wu nga twisisekiki lahaya.

¹⁰⁰ Wansati u te, "Ha swi tiva leswaku loko Mesiya a ta; nakona loko a tava A tile, U ta hi byela hi swilo swo kotisa leswi A nga swi endla."

¹⁰¹ U te, "Ndzi Yena." Ku hava mpfumawulo lowu wu nga twisisekiki lahaya. "Ndzi Yena." Ahaa! Amen.

Va te, "Vatata wa hina a va dya mana emananga."

¹⁰² U te, "Va tano, un'wana na un'wana wa vona, u file." A ku, "Kambe Mina ndzi Xinkwa xa Vutomi lexi xi humaka eka Xikwembu xale Tilweni." Ku hava mpfumawulo lowu wu nga twisisekiki. "Hi Mina Nsinya wa Vutomi, lowu wu humaka entangeni wa Eden." Ee, ku hava mpfumawulo lowu wu nga twisisekiki ha sweswo. Hakunene a wu kona. Ku hava leswi nga twisisekiki ha swona. A twisiseka eka hinkwaswo leswi Yena a swi endla.

¹⁰³ Bibebe a yi nyiki mpfumawulo lowu nga twisisekiki. Yi tivisa xihlawulekiso xa Xikwembu eka ku yimba ka yona.

¹⁰⁴ Yesu u teri, eka Mukwetsimi Yohana 10:37, "Loko Ndzi nga endli mintirho ya Tatana wa Mina, leswi...nakona Ndzi ri hava yumunhu byebyo bya Tatana wa Mina, kutani mi nga Ndzi pfumeli. Hikuva hi Yona, Yi kombisaka yumunhu bya Yena endzeni ka Mina, swihlawulekiso swa Yena."

¹⁰⁵ Hikuva, Tatana i Rito, "Ekusunguleni a kuri na Rito, nakona Rito a ri ri na Xikwembu, nakona Rito a xi ri Xikwembu," nakona xihlawulekiso xa Xikwembu xi vonakarisiwa hi xitshembhiso xa Xona xa nguva yaleyo.

¹⁰⁶ Sweswi loko Yena a lo hanya enkarhini wa Muxe, a swi tava swi nga tirhanga. Nakona na loko Muxe a lo hanya hi nkarhi wa Yena, a swi tava swi nga tirhanga. Loko A lo hanya hi nkarhi wa Nowa, a swi tava swi nga tirhanga, kumbe loko Nowa a lo hanya hi nkarhi wa Yena. Nowa a profeta hi swilo swa siku lero, nakona xihlawulekiso xa yena na leswi a nga swi endla swi n'wi sakahatile na Rito ra Xikwembu. Muxe u endle swo fana.

¹⁰⁷ Kutani lahwani kuta Yesu, nakona Rito leri nga tshembhisiwa ra nguva yaleyo ri tivisiwile eka Yesu Kreste hi xihlawulekiso xa Rito, lexi ku nga Xikwembu. Amen.

¹⁰⁸ Ku chuluriwa ka Moya lowo Kwetsima, eka masiku yo hetelela, ehenhleni ka vanhu va ntolovel, swi tivisile xihlawulekiso xa Xikwembu na vanhu. U swi tshembhisile. I Rito. U te U ta swi endla. Ku hava loyi a nga swi tlherisaka. U te U ta swi endla.

¹⁰⁹ Swingaleswi hinkwaswo swilo leswi Yena a nga swi tshembhisa, hi leswi A swi endlaka. Swi kombisa xihlawulekiso xa Yena. Ina, nkulukumba. "Mi nga swi pfumeli, mi nga yi pfumeli minkoxo ya mina, loko Xihlawulekiso xa Mina xi ngari xona lexiya xa Xikwembu."

¹¹⁰ Sweswi xiyisisani eka Yohana 14:12, “Loyi a pfumelaka eka Mina,” U te, “u na vutitivisi bya Mina, xihlawulekiso xa Mina. Loyi a pfumelaka eka Mina, mintirho leyi Ndzi yi endlaka u ta yi endla na yena.” Sweswo swi tivisa leswaku vumunhu bya Kreste byile ka yena, byi ri karhi byi kombisa swihlawulekiso swa Yena. Amen.

¹¹¹ Ndzi titwa ndzi kateka swinene sweswi, loko ndzi va na mabvarabvara. Ina, nkulukumba. Oho, mina! Wa vona, ku hava xihoxo ha Rona! Vutomi bya Yena! “Loyi a pfumelaka eka Mina, mintirho leyi Ndzi yi endlaka u ta yi endla na yena.” Ma vona, sweswo swi kombisa xihlawulekiso.

¹¹² Leswi swi fanaka U te: “Loko xihlawulekiso xa Mina xi nga ndzi tivisi mina hi Ndzexe,” Xikwembu eka—eka Yena, kutani Yena . . . mi nga N’wi pfumeli. Sweswi, nakambe U vule leswaku U ta tivisiwa eka sweswo. Kutani, leswaku, loko swi nga N’wi tivisi, kutani A nga xiswona leswi A swi vulaka.

¹¹³ Nakona, namuntlha, loko Kreste a nga ti tivisi hi Yexe, xihlawulekiso xa Kreste xa hi tivisa tani hi kuva hi ri va Kreste, hi pfumela Rito . . . Yesu a ri Rito, swingaleswi A fanela ku pfumela Rito. Nakona hi nga vula njhani leswaku hi va Kreste, nakona hi tsan’wa Rito rin’wana na rin’wana ra Bibele yaleyo? Moya lowo Kwetsima wa Kreste i Xikwembu lexi nga endzeni ka n’wina, nakona Wu ta hikahata xitsembhiso xin’wana na xin’wana hi “Amen.” Bibele yi te, “Swikombiso leswi swi ta landzela vona lava va pfumelaka.” Moya wa Xikwembu wu te, “Amen.” Ma vona?

¹¹⁴ Un’wana wa vona a nga vulanga a ku, “Ee, sweswo a swi ri swa nguva yin’wana; sweswo a swi ri swa vadyondzisiwa ntsena.”

¹¹⁵ “Fambani emisaveni hinkwayo mi ya chumayela Evhangeli eka xivumbiwa xin’wana na xin’wana. Yena, kun’wana na kun’wana emisaveni hinkwayo, loyi a pfumelaka, swikombiso leswi swi ta n’wi landzela, swa fana” “Yaluya wa tolo, namuntlha, na hilaha ku nga heriki,” xihlawulekiso kuva xi tivisiwa.

¹¹⁶ Sweswo swi endla Vaheveru 1:1, “Xikwembu xa minkarhi leyo tala, xi vulavurile na vatatana hi vaprofeta,” ku tivisa Kreste, loyi a pfukeke namuntlha, hi xihlawulekiso xin’we lexi Yena a xi endleke hi minkarhi leyo tala. Mi kale mi swi xiyisia? Xikwembu a xi kali xi ncinka ndlela ya Xona.

¹¹⁷ Eka Bibele ya khale, loko mulorhi a lorha norho, nakona kuri hava muprofeta etikweni wo vona loko norho lowu wu ri kahle kumbe wu ngari kahle, a vari na ndlela yi n’wana yo kumisisa. A va ta teka ximunhuhatwa xexo, mani na mani loyi a nga lorha norho, va n’wi yisa etempeleni. Xisirhelelo xa le xifuveni xa Aroni, loyi a ri muprista lonkulu, a xi hayekiwile emhandzini. Kutani mulorhi loyi a vula norho wa yena. Swi

ngari na mhaka leswaku wu twakala wu ri wa xiviri njhani, wu twakala wu ri kahle njhani; loko kuri hava Rivoni ra le henhla ka ntumbuluko ri voningelaka eka maribye lawaya, leswi swi vuriwaka Urim Thummim (Vahlayi va Bibele va swi twisia); kutani, a ndzi na mhaka ni leswaku swi twakala wu ri wa xiviri njhani, a wu ngari ntiyiso. Leswi nga tollovelekangiki swa Xikwembu, yumunhu bya Xikwembu, a byi fanele ku kombisa swihlawulekiso swa Xona eka leswi nga ehenhla ka ntumbuluko, ku kombeta leswaku Xi ti tivisile hi Xoxe eka hungu. Amen.

¹¹⁸ Ndza ha vula nchumu wun'we vusiku lebyi. Urim Thummim ya khale yi fambique, kambe Rito hi rona nchumu lowu wu tivisaka xihlawulekiso xa Xikwembu, xitshembhiso xa awara leyi hi hanyaka eka yona. Ku na swihlawulekiso swa Xikwembu leswi swi tivisaka hi xitshembhiso xa awara leyi hi hanyaka eka yona.

¹¹⁹ Sweswo swi endla Xikwembu xi fana na hilaha a Xi ri hakona. "Hi minkarhi leyo tala," langutani, "mikhuva leyo hambana-hambana, Xi vulavurile na vatatana hi vaprofeta." "Nakona nawu na vaprofeta a wu ri kona ku fika eka Yohana; ku sukela nkarhi walowo, Mfumo wa Tilo." Xiyisisani, "Kambe eka siku leri ro hetelela," xa ha vulavula swo fana ni leswi Xi nga swi endla eku sunguleni, "ha N'wana wa Xona Kreste Yesu." "Xikwembu, hi minkarhi leyo tala, ni mikhuva leyo hambana-hambana, xi vulavurile na vatatana hi vaprofeta; eka siku leri ro hetelela," xi endla swo fana, "xi vulavula na vanhu (vatatana) hi N'wana wa Xona Kreste Yesu." Xi N'wi pfuxile ekufeni, nakona Wa hanya endzeni ka hina, a ri karhi a ti tivisa hi Yexe ni ku hi vhumbhela swilo leswi swa ha taka, leswaku hi Yena muvonisiwa mianakanyo ni makungu ya timbilu. Yesu Kreste yaluya wa tolo, namuntlha, na hilaha ku nga heriki! "Xikwembu, hi minkarhi leyo hambana-hambana na mikhuva leyo tala xi vulavurile na vatatana hi vaprofeta, kambe eka masiku lawa ya makumu hi Yesu Kreste N'wana wa Xona." Matsalwa ya ngaka ya nga onhowi. Ya tshamisekile.

¹²⁰ Tani hilaha ndzi nga vula eku sunguleni, Xikwembu a xi kali xi lava munhu ku ta toloka Rito leri. Xa ti tolokela Rito leri ri nga ra Xona N'winyi. Loko Xi vula swin'wana na swin'wana, swa humelela, hikona ku toloka ka kona kwaloko. Ma vona? A xi kali xi lava munhu un'wana kuvula leswaku, "Kunene, ndzi pfumela leswaku swi vula *leswi*." Xikwembu xa swi tivisa hi ku toloka loku ku nga ka Xona N'winyi.

¹²¹ I ku, loko xitshembhiso xi ri xa siku lero, hi ngaka hi nga hanyi eka rivoni ra—ra—ra Luther, hi ngaka hi nga hanyi eka rivoni ra Wesley, hi ngaka hi nga hanyi eka rivoni ra un'wana wa lavaya. Hi fanele ku hanya eka Rivoni leri ri nga tshembhisiwa eka siku leri.

¹²² A ku ta humelela yini loko Muxe a lo rhelela eEgipta, a fika a ku, "Kunene, hi ya eku akeni ka ngalava leyikulu. Hi ta papamala hi yona hi huma eka tiko leri. Nile wu ya eku teni"? A va ta languta endzhaku eka matsalwa-songwa; ku hava xitsembhiso xa sweswo. Hi swona sweswo. Kambe, ma swi vona, a ti tivisa hi yexe tani hi muprefeta wa Xikwembu, hikuva leswi a swi vula a swi humelela, kutani va switivile leswaku a ri na Rito ra Hosi. Faro a ri na matlharhi, kambe Muxe a ri na Rito. Swingaleswi loko va fika elwandle, matlharhi hinkwawo ya yile ehansi ka lwandle; nakona Muxe a teka Israel ri tsemekanya lwandle, eka misava leyi yi omeke, hikuva a ri na Rito, nakona yena a ri Rito ra awara yaleyo. Muxe a ri Rito leri nga vonakarisiwa ra awara yaleyo.

Eliya a ri Rito leri ri nga vonakarisiwa ra awara yaleyo.

¹²³ Kreste i Rito leri ri vonakarisiweke, na switshembhiso leswi Yena a nga swi endla. "Ku ngari ku ngani misava a yi nga Ndzi voni; kambe n'wina mi ta Ndzi vona, hikuva Ndzi tava na n'wina, ni kuva endzeni ka n'wina, ku ya fika emakumu ya misava. Mintirho leyi Ndzi yi endlaka mi ta yi endla na n'wina." U tshembhisile swilo sweswo. Xana i yini? I xihlawulekiso xa Xikwembu xi kombisaka Rito ra Xona, tani hilaha Xi swi endleke eka tinguva hinkwato.

¹²⁴ Malakiya 4, Xi te, "Loko siku lerikulu leri chavisaka ra Hosi ri nga se fika, vonani, Ndzi ta mi rhumela muprefeta Eliya; nakona u ta tlherisela ripfumelo ra vana ri tlhelela endzhaku eka va tatana nakambe, loko siku lero ri nga se fika." Xi swi tshembhisile.

¹²⁵ Yesu u te, eka kavanyiasa ka vu¹⁷ ka Mukwetsimi Luka, "Tani hilaha a swi ri hakona emasikwini ya Sodoma, swi tava tano eku vuyeni ka N'wana wa munhu, loko N'wana wa munhu a ta paluxiwa." Loko nhlavutelo wu ri karhi wu tiphutsunula hi woixe, hi masiku lawa misava yi nga tava yi kotisa Sodoma, xana wu tava wu ri yini? Xihlawulekiso xa Matsalwa kuva xi fikelela. Xikwembu xi ti tivisa xona hi Xoxe hi xihlawulekisi xa Xona, swihlawulekiso leswi Xona xi ngava tano minkarhi hinkwayo. Xi ngaka xi nga swi tshiki sweswo.

¹²⁶ Masiku yo hetelela, Xa ti tivisa hi N'wana wa Xona. Xiyisisani hilaha Xikwembu xi endlisaka xiswona swilo leswi nkharhi hi nkawawo eka—tani hiloko Xi va-... a Xi ncinci ndlela ya Xona.

¹²⁷ Vanhu lava vanharhu lava va nga vulavula na Abraham, tani hilaha ntsena a hi ri karhi hi vulavula lahaya, hi masiku ya Sodoma.

¹²⁸ Abraham a ri wanuna loyi a pfumela Xikwembu. U tekile Xikwembu eka xitsembhiso xa Xona. Sarah, nsati wa yena, a ri na malembe ya makume ntsevu-ntlhanu hi vukhale, Abraham a ri na makume nkombo-ntlhanu, loko Xikwembu xi ta n'wi

vitana. Xi te va tava na—na n'wana; Abraham a tava na n'wana ha Sarah. Swi nga ha endleka swi twala swi hlekisa nyana, kambe ndzi nga ha swi anakanya loko a lulamisa e—e swibuntswani na tiphekisi, na hinkwaswo, swi va leswi swi lulameke, hikuva va ya ekuveni na n'wana loyi.

¹²⁹ Endzhaku ka makume mbirhi-nhungu wa malembe yo rhanga, hikokwalaho ka yini, Abraham a ngava a te eka Sarah, "U titwa njhani, murhandziwa?"

"A ku na ku hambana."

"Ku kwetsima a kuve eka Xikwembu, hi ta va na yena, hambiswiritano."

"U swi tiva njhani?"

"Xikwembu xi vule tano."

Lembe ri hundza. "U titwa njhani, murhandziwa?"

"A ku na ku hambana."

"Hi tava na yena, hambiswiritano. Xikwembu xi vule tano."

Malembe ya ntlhanu ya hundza. "U titwa njhani sweswi, murhandziwa?"

"A ku na ku hambana."

"Hi tava na yena, hambiswiritano. Xikwembu xi vule tano."

¹³⁰ Xana a kuri yini? A ri na xitshembhiso xa Xikwembu. A pfumela Xikwembu, nakona u endlile kukotisa Xikwembu: u khomelerile eka Rito ra xitshembhiso. Ri . . .

¹³¹ Malembe ya makume mbirhi-ntlhanu ya hundza. Swibuntswana swi ze swi hundzuka swa xitshopani, kambe hambiswiritano wansati a va a ha khomelerile eka swona. Sweswi wanuna u khalabyile, na makatla yo vuyelelana, nakona u le ka xiyimo lexi xi chavisaka; nakona xivelekelo xa Sarah a xi tiferile, nakona wanuna a ri ngon'wa. Nakona i xiyimo xihi lexi a vari eka xona!

¹³² "U titwa njhani, Abraham, tatana wa matiko?" vanghana va yena va ripfumelo ro tiendlisa va nga vula leswi eka yena.

¹³³ "Kunene, ku kwetsima akuve eka Xikwembu, ndzi titwa kahle. Hi tava na yena n'wana yaloye, hambiswiritano." Hikuva a nga kalanga a dedeleka eka xitshembhiso xa Xikwembu hi ku ka a nga pfumeli; kambe a tiyili, a dzunisa Xikwembu, hikuva a khorwisiwile hi ku hetiseka leswaku leswi Xikwembu xi nga swi vula, Xikwembu xa swi kota ku endla. Amen. Hi xexo xihlawulekiso xa mupfumeri.

¹³⁴ N'wina ke? Ma vona? Hina-ke, vana va Abraham? Xana hi tivisiwile na Rito ra Xikwembu, tani hi xitshembhiso, nakona xihlawulekiso xa hina xa hi tivisa, leswaku ha kunene-nene ha Ri pfumela? Kumbe, ntsena ho rhendzeleka, hi tlula kusuka *lahawani*, na *lahawani*, na le hansi *lahawani*, na ku bvhumpha,

kutani hi rhendzeleka-rhendzeleka, ha Rona? Manuku, a hi Vakreste, ntsena hova vapfumeri vo tiendlisa.

¹³⁵ Kambe, loko hakunene hi yimela xitshembhiso xexo, hi xikunwani kwalahaya nakona hi tshama na Rona! Abraham u swi endlile.

¹³⁶ Sweswi hi kuma leswaku, siku rin'wana u vonile vavanuna va nharhu va ta, va ri karhi va famba. Bibele yi vurile lahawani, "A kuri a mun'wini wa siku," ku nga hava kuri kwalomu ka ni nhlekani. Vavanuna lava va tile nakona a va vulavula na yena. Ha swi twisisa leswaku vambirhi va vona va rhelerile eSodoma. Ndzi pfumela leswaku hi vulavurile hi swona eka vusiku byin'wana. Un'we wa vona u sale na yena.

¹³⁷ Langutisani Wanuna loyi a nga n'wi vitana . . . loyi a sele na yena, leswi Wanuna loyi a nga swi endla. Un'we u tiviwile hi xihiawulekiso xa Yena, leswaku A ri Elohim.

¹³⁸ Elohim, rito leriya ro rhanga eBibeleni, "Eku sunguleni Xikwembu . . ." Sweswi, un'wana na un'wana wa n'wina swidyondzeki wa swi tiva leswaku rito lero *Xikwembu* lahaya ri vula, hi Xiheveru, i "Elohim," leswi swi vulaka, "wa Matimba hinkwawo, loyi a nga pfumariki nchumu, loyi a hanyaka hi yexe," a nga lavi ku pfuniwa eka munhu, a nga lavi ku tolokeriwa hi munhu; u endla swa Yena N'winyi. Hi yena Xikwembu lexi xi nga pfumariki nchumu, loyi a kumekaka hinkwako, lowa vutivi hinkwabyo, lowa matimba hinkwawo. Hi Yena Xikwembu.

¹³⁹ A xi ri kwalahaya. Kutani Abraham sweswi, mupatriaka loyi a khomelele Rito, u langutisile Nakulorhi loyi. Nakona loko Nakulorhi loyi a fularherile tende hi nhlana wa Yena, U te, "U kwihis nsati wa wena, Sarah?"

A ku, "U le tendeni, endzhaku ka Wena."

¹⁴⁰ A ku, "Ndzi ta ku endzela kuya hi nkarhi wa vutomi, nakona u tava na yena n'wana loyi Ndzi nga ku tshembhisa yena."

¹⁴¹ Kutani Sarah u hlekile ha swona. Nakona Loyi a ri karhi a vulavula na yena, u n'wi byerile leswi Sarah a nga swi vula etendeni, endzhaku ka Yena.

¹⁴² Sweswi, eka Geneza, mi ta swi hlaya sweswo. Hi kuma leswaku kwalaho, Abraham, endzhaku ka loko Wanuna loyi a tava a ti tivisile . . .

¹⁴³ Xana a kuri yini? Vaheveru, kavanyisa ka vu4, ndzimana ya vu12, yi te, "Rito ra Xikwembu ra kariha, ku kariha ku tlula tlharhi leri nga ni vukarhi hi matlhelo mambirhi, leri vonisisaka mianakanyo na makungu ya mbilu."

¹⁴⁴ A swi tiva leswaku loyi hi yena Wanuna wa kona. A swi tiva leswaku a kuri hava vapprofeta etikweni handle ka yena, nakona Rito ra Hosi a ri tile eka yena. Nakona a ri muprofeta, nakona lahawani Rito ri ta eka muprofeta.

¹⁴⁵ Swa fana na Yohana mukhuvuri. A nga vanga na muprofeta ku ringana mune wa madzana wa malembe. Ndzi tsundzuka . . .

¹⁴⁶ Kumbexani mukhalabya Doctor Davis u kona u tshame kwala, vusiku lebyi, muchumayeri wa khale wa Missionary Baptist loyi a nga ndzi khuvulela eka Ripfumelo. A tshamela ku phikizana na mina. U te, “Billy, wa hari n’wana sweswi. U fanele ku ndzi yingisa.”

Ndzi ku, “Hi swona, Makwerhu Davis, ndzi yingiserile.”

¹⁴⁷ A ku, “Wa swi vona, Yohana a nga khuvuriwanga. Swingaleswi a ri eku khuvuleni, kambe yena a nga khuvuriwanga; a kuri hava loyi a ringanerile ku n’wi khuvula.” Byebyo i ntivo-vukhongeri bya kahle bya Baptist. “Kutani lahwani ku humelela Yesu, kutani a ku kwalano . . . Yohana u te, ‘Hi mina loyi ndzi faneleke ku khuvuriwa hi Wena; hikokwalaho ka yini Wena u ta eka mina?’ Hi loko Yena a ku, ‘A hi swi pfumeleli swi va tano.’” A ku, “Kutani loko a N’wi ‘pfumelerile,’” a ku, “wa swi vona, kutani Yesu a khuvula Yohana. Kute loko Yena a huma ematini, hiloko matilo ya pfuleka kutani A vona Xikwembu xi ri eka xivumbeko xa tuva, ri xikela ehansi nakona ri ya eka Yena, ri fika ri ku, ‘Loyi i N’wana wa Mina loyi ndzi n’wi rhandzaka, Loyi Ndzi tsakelaka ku tshama eka yena.’” Kambe, ee, ku ngari ku kanetana na Doctor Davis, kambe a hoxisile.

¹⁴⁸ Ma vona, Yohana a ri muprofeta, nakona Rito minkarhi hinkwayo ri ta eka muprofeta. Swingaleswi loko Rito ri tiendle nyama, Ri ta fanelia ku ta eka muprofeta, hambiswiritano; hikuva, hikuva a mbhoniyela hi Rito, nakona xihlawulekiso lexi xi nga xa yena a xi n’wi tivisa sweswo. Hi leri Rito ri taka, sweswi ku humelerile yini? Ntsena loko a ha ku famba exikandzeni xa Yesu, Yohana u teri, “Hi mina loyi ndzi faneleke ku khuvuriwa hi Wena; hikokwalaho ka yini Wena u ta eka mina?”

¹⁴⁹ Yesu u te, “A hi swi pfumeleli swi va tano, hikuva swi va eka hina (swa hi fanelia) ku fikelela ku lulama hinkwako.” Yohana kuva a ri muprofeta; Yena kuva a ri Rito. A ri Xitlhavelo, nakona A lulamisela ku nghena eka ministri wa Yena wa le misaveni, nakona Xitlhavelo a xi fanelia ku hlantswiwa xi nga se nyiketiwa. Nakona Yohana u N’wi khuvurile, hikuva a swi tiva. “Swi pfumeleli swi va tano, hikuva sweswo swi va eka hina ku ta fikelela ku lulama hinkwako.” Xitlhavelo a xi fanele ku hlantswiwa loko xi nga se nyiketiwa, nakona swingaleswi Yohana u N’wi khuvurile. A ku ngari Yesu loyi a nga khuvula Yohana. Yohana u khuvurile Yesu. “A hi swi pfumeleli swi va tano.”

¹⁵⁰ Xiyisisani, lahwani a kuri na Abraham, nakona a ri na Rito ra Hosi. Rito ra Hosi ri ta eka yena. A ri muprofeta. Nakona sweswi hi leri Rito ri taka. A n’wi vitana, “Abraham,” ku ngari Abram.

¹⁵¹ Masiku ya ntsongo loko ku nga se fika sweswo, vito ra yena a kuri Abram—a kuri Abram, sweswi i Abraham. Nsati wa yena a ri Sarai, sweswi i “Sarah,” ku ngari S-a-r-r-a; S-a-r-a-h. Ku ngari (A-b-r-a-h-a-m) A-b-r-a-m, kambe A-b-r-a-h-a-m, Abraham.

¹⁵² Nakona Wanuna loyi u ti tivisile hi Yexe, loko A te, “Abraham!” Oho, mina!

Abraham u te, “Elohim!”

¹⁵³ Hi leswiya Rito na muprofeta, kun’we, swimunhuhatwa havumbirhi swi tivisiwile.

¹⁵⁴ Elohim, U te, “U kwihis nnsati wa wena, Sarah?”

¹⁵⁵ A ku, “U le tendeni, endzhaku ka Wena.” Nakona . . . Kutani hlori a ri endliliwile. Elohim! Abraham u N’wi vitanile, “loyi a nga pfumariki nchumu, wa Matimba hinkwawo, Xikwembu xa matimba hinkwawo.”

¹⁵⁶ Yesu u vurile, loko Yena a ha ri emisaveni, U endlile swo fana na leswi Elohim a nga swi endla. Sweswo swi tivisile xihlawulekiso xa Yena tani hi kuva Xikwembu.

¹⁵⁷ Nakona U te, emasunguleni, “Emasikwini yo hetelela, ntsena eku vuyeni ka N’wana wa munhu, loko A tava a ri karhi a paluxiwa, ntshamiseko lowu wu ta teka ndhawu nakambe, ku kotisa hilaha a swi ri hakona eSodoma.” Elohim exikarhi ka vanhu va Yena, Xikwembu xa Matimba hinkwawo! Sweswo hi leswi swi vulaka hi Matsalwa. Elohim exikarhi ka vanhu!

¹⁵⁸ Ku ringana makume mune wa malembe A ri karhi a hi khuvula hi Moya lowo Kwetsima, Elohim, Xikwembu! Nakona kereke . . .

¹⁵⁹ Langutani, Abraham u vonile xikombiso xin’we, ku vitana kun’wana; xikombiso, ku vitana; ku vitana, xikombiso; a rindzerile n’wana luya a nga tshembhisiwa. Kambe xikombiso xo hetelela lexi a nga xi vona, ku humeleta ko hetisela, ku endzela ko hetelela ka Xikwembu loko n’wana wa xitsembhiso a nga se fika eka mbono, a ku ri Elohim endzeni ka nyama ya ximunhu. Kutani n’wana loyi a tshembhisiweke a ta.

¹⁶⁰ Nakona Mbewu ya Abraham yi rindzele ku vona N’wana wa xitsembhiso, Yesu Kreste. Nakona va swi vonile Swikombiso, ku chuluriwa ka Moya lowo Kwetsima, ku vulavula hi tindzimi, ku horisiwa ka Vukwembu, na swin’wana na swin’wana. Kambe loko N’wana wa munhu a ri karhi a paluxiwa, Elohim u ta tlhelela endzhaku eka Mbewu ya vuhosu ya Abraham a ya kombisa swo fana na leswi Yena a nga swi kombisa hi siku lero, amen, Elohim, tani hilaha a swi ri hakona! Hikokwalaho ka yini? Ku tava kuri xihlawulekiso xa Xikwembu.

¹⁶¹ Sweswi, loko kuri leswaku Kreste a ri Xikwembu, “Kambe ku ngari ku ngani misava a yi nga ha Ndzi voni; kambe n’wina mi ta Ndzi vona, hikuva Ndzi tava na n’wina, hambi kuri endzeni ka

n'wina, ku ya fika eku hetisekeni, emakumu. Mintirho leyi ndzi yi endlaka mi ta yi endla na n'wina."

¹⁶² Yesu u vule sweswo eka—eka Luka, kavanyisa ka vu¹⁷. Hi swona, loko hi pfumela ni ku vona masiku lawa yo hetelela, ntshamiseko lowu wu fanele ku tlhela wu endlwa nakambe.

¹⁶³ Swingaleswi, Vaheveru 1:1, "Xikwembu, hi minkarhi leyo tala xi ti tivisile xona hi Xoxe hi vaprofeta, eka masiku lawa yo hetelela xi tivisile ku pfuxiwa ka N'wana wa Xona ekufeni," hi ku nyika Kereke xihlawulekiso lexi xi fanaka lexi a Xi ri na swona, swi endla Vaheveru 13:8 yiva yona.

¹⁶⁴ Ku hava tinsiva leti ti nga hluviwaka eka sweswo. Teto i ti siva ta Gama. Ti tshama ti manyanile, hikuva i tinyenyani ta tilo. [Xivati lexi nga riki na nchumu eka thepi—Muhleri.] . . . ma ti phamela swakudya swa magama ya vona.

¹⁶⁵ Sweswi hi xiyisisa leswaku, "Hi minkarhi leyo tala, ni mikhuva leyo hambana-hambana, Xi vulavurile na vatatana hi vaprofeta, emasikwini ya makumu hi N'wana wa Xona Yesu Kreste, hi ku N'wi pfuxa ekufeni." Kutani hi loyi exikarhi ka hina, endzhaku ka magidi mbirhi wa malembe, Yesu yaluya, ku ngari un'we wa vaprofeta; Yesu, haleluya, N'wana wa Xikwembu loyi a pfuxiweke ekufeni!

¹⁶⁶ Yesu u virile, siku rin'wana, A ku, "Rixaka ra vubihi na vuoswi ri lava xikombiso, nakona va ta xi kuma xikombiso." Rixaka ra vubihi na vuoswi. Hi rini laha misava yi nga na lunya ngopfu kona, kumbe vuoswi na ku encenyeita, ku tlula sweswi?

¹⁶⁷ "Tani hilaha a swi ri hakona hi masiku ya Yonas, tani hilaha Yonas a ri endzeni ka khwiri ra nkava-va-nga-heti masiku manharhu na vusiku bya kona, swingaleswi N'wana wa munhu u boheka kuva endzeni ka mbilu ya misava masiku manharu na vusiku bya kona."

¹⁶⁸ Kutani, "rixaka ra vubihi na vuoswi" a ri fanele ku amukela xikombiso. Xana i muxaka muni wa xikombiso? Xikombiso xa ku pfuka ekufeni. Nakona hi na xona namuntlha, endzhaku ka magidi mbirhi wa malembe, Wa ha hanya. U le xikarhi ka hina, vusiku lebyi, yaluya wa tolo, namuntlha, na hilaha ku nga heriki, a ri karhi a ti tivisa hi Yexe hi swihlawulekiso swa Xikwembu, a ri karhi a vonakarisa Rito eka siku leri Yena a nga tshembhisa ku swi endla. Amen.

¹⁶⁹ Hi leriya Rito. Sweswi mi nga xi pfumela xikombiso? i nchumu lowu wu landzelaka, masiku yo hetelela, ku ti tivisa ka Xona hi N'wana wa Xona. Xiyisisani.

¹⁷⁰ Xikwembu xi vulavule na Muxe hi minkarhi ya khale. Eka Deuteronomy 18:15, xi ku, "Hosi Xikwembu xa n'wina xi ta mi pfuxela Muprofeta loyi a kotisaka mina." Sweswi hlalelani. Rero i Rito. Rero i Rito. Xexo a xi ri Xikwembu. Yaleyso a ngari Muxe. Xana Muxe a ta swi tivisa ku yini sweswo? A ri munhu. Kambe

Xikwembu, xi vulavulaka hi Muxé, xi swi vurile leswi. Xana ma swi pfumela sweswo? Swi lulamile.

¹⁷¹ Sweswi xiyisisani Yesu, hlalelani hilaha swihlawulekiso swa Yena—Yena swi nga tivisa hakona Rito leri ra xitshebbhiso kuva ntiiyiso. Hakunene U swi endlile. U tivisiwile hi xihlawulekiso lexi Muxé a nga vula leswaku U tava a ri xiswona.

¹⁷² Vo tala va vona, kukotisa namuntlha, va lava ku vona murhangeri un'wana lonkulu. “Oho, loyi hi yena Dokodela Ph. *Swingere-ngere*. U huma a Hartford University.” Kumbe, “U huma kun’wana ku kulukumba kukotisa sweswo.” Sweswo a hi vutitivisi bya Xikwembu. Ee, ee. A hi nchumu hi mayelana na swona. Rito hi rona leri ri tivisaka Xikwembu. Ma vona?

¹⁷³ Yesu a ngari xidyondzeki, nakona A ngari muprista, kumbe Yena a va rabi, eka misava. A ri mugwinihi, eka misava.

¹⁷⁴ Kambe Xikwembu a xi tiyisisa Rito ra Xona ha Yena, leswi swi nga N’wi endla Emmanuel. Sweswo a kuri vutitivisi bya Yena. Sweswi, lahwani, Yesu kahleakahle u hlangana na leswi Xikwembu eka minkarhi leyo tala xi nga te U ta swi endla, ha Muxé, leswi Yena a nga ta swi endla.

¹⁷⁵ Sweswi langutisani loko Yena a ta hlangana na Petro, tani hilaha hi nga swi ntlangu-hata vusiku byin’wana, loko A ta hlangana na Petro kutani a byela Petro leswaku vito ra yena a ri mani. Xikombiso lexi xi tivisile swikoxo swa Yena swa Vumesiya, eka Petro, hikuva Rito ri te, “Hosi Xikwembu xa n’wina xi ta mi pfuxela Muprofeta.”

¹⁷⁶ Hiloko Petro a ta, loyi a ri Simon leswiya, a ta laha A ri kona. Kutani Yesu a n’wi languta, a ku, “Vito ra wena i Simon, nakona un’wana wa Yonas.” Sweswo swi tivisile vumunhu bya Kreste kuva byi ri Rito lero Muxé a nga ri tshembhisa. Petro u lemukile leswaku xikombiso lexiya xi tivise Yesu tani hi Mesiya. “Xikwembu a xi ri eka Kreste,” ntoto wa masiku ya makumu. Eka Nathanael... Tsundzukani, U byerile Simon vito ra yena.

¹⁷⁷ Sweswi, hlalelani, eka Nathanael U n’wi byerile leswi a nga swi endla. “A wu ri ehansi ka nsinya loko Ndzi ku vona.” Sweswo swi N’wi tivisile kuva Mesiya.

¹⁷⁸ A ku, “U N’wana wa Xikwembu. U Hosi ya Israel.” U tiviwile hi xihlawulekiso xa Rito ra xitshebbhiso ra leswaku A fanela kuva Mesiya. “Hosi Xikwembu xa n’wina xi ta pfuxa Muprofeta.”

¹⁷⁹ Wansati lontsongo exihlobyen, U n’wi byele leswi a ri xiswona, nakona sweswo a swi tivisa Yena tani hi Mesiya loyi a nga tshembhisiwa. Ma vona?

¹⁸⁰ Vumunhu bya Yena, swihlawulekiso swa Yena, a kuri Rito leri nga eku tivisiweni. A kuri swihlawulekiso swa Yena swi kombaka leswaku Rito a ri ri Xikwembu, swingaleswi sweswo a

kuri Xikwembu xi ti tivisaka eka Kreste. Sweswi swi languteni. Xiyisisani.

¹⁸¹ Eka Petro, U ti tivisile eka Petro hi ku vitana vito ra yena. U ti tivisile eka Nathanael hi ku n'wi byela leswi a nga swi endla. U tiviwile hi wansati, hi ku n'wi byela leswi a ri xiswona. Leswi yena... leswi *yena* a ri xiswona; leswi *yena* a nga swi endla; na leswi *yena* a ri xiswona. U tivisile xihlawulekiso xa Vumesiya bya Yena, lexi xi nga tava xihlawulekiso xa Mesiya.

¹⁸² Langutani eka wansati lontsongo a vulaka swo fana. "Nkulukumba, ndza swi vona leswaku U Muprefeta. A hi va nga na yena muprefeta ku ringana madzana ya malembe. Hi vile na ku tala ka kereke, ku tala ka ku holova na ku hambana ka vudinominexini, kambe a hi kalanga hi va na muprefeta ku ringana madzana ya malembe. Ha swi tiva leswaku loko Mesiya a ta, leswi hi swona swi nga ta N'wi tivisa."

¹⁸³ U te, "Ndzi Yena, loyi a vulavulaka na wena." Ku hava leswi swi nga twisisekiki ha swona, "Ndzi Yena." Sweswo swi N'wi tivisile.

¹⁸⁴ Wansati na xiphijo xa ngati, u N'wi tivile hi Rito. Njhani? Hi leswi Yena a nga swi endla loko ripfumelo ra yena ri tava ri N'wi khumbhile. U hundzulukile kutani a ku, "Xana i mani loyi a nga Ndzi khumbha?" A swi tiva leswaku swin'wana swi humelerile. Sweswo swi tivisile Yesu tani hi Mesiya.

¹⁸⁵ U ri pfumerile, nakona a ku, "Loko ndzi nga khumbha nguvu ya Yena, ndzi ta hanya."

¹⁸⁶ Swingaleswi kute loko a khumbhile, U hundzulukile, a ku, "Sweswi i mani loyi a nga ndzi khumbha?" Nakona hinkwavo va swi arile. Kambe hi xihlawulekiso xa Vumesiya bya Yena...

¹⁸⁷ Amen! Ndzi pfumela leswaku ma swi vona sweswo, nhlengeletano. Yingisani, tani hi loko hi ri karhi hi pfala.

¹⁸⁸ Kwalahaya u N'wi khumbhile. A kuri na madzana, kumbexani, va ri karhi va ringeta ku N'wi khumbha. Hambi kuri Petro u N'wi tshinyile, a ku, "Kunene, hinkwavo ka vona vale ku Ku khumbheni."

¹⁸⁹ Yena a ku, "Ina, kambe un'wana u Ndzi khumbhe ku hambana." Hi kona ku hambana ka kona, ku khumbha kwaloko ka ripfumelo. Ma vona? A ku, "Un'wana U ndzi khumbhile. A kuri ku khumbha loku ku hambaneke. Ndzi tsanile. Ntamu wu humile eka mina. Ntamu wu humile eka Mina." Sweswi, hi Luya a yimeke lahaya.

¹⁹⁰ Sweswi, hambi kuri mudyondzisiwa loyi a nga wa Yena N'winyi a vula, hi marito man'wana leswaku, "U twakala—twakala kukotisa loko U ri munhu wa matikhomele yo biha. Hikokwalaho ka yini, vanhu, un'wana na un'wana u le ku Ku khumbheni."

¹⁹¹ Hlalelani bya Yena, hlalelani vutitivisi bya Yena sweswi. U hundzulukile, a halahala entshungwini. A n'wi humesa a ri yexe. A nga ta ha ti tumbeta nakambe. U n'wi byerile hi ta xiyimo xa yena, nakona a ku, “Ripfumelo ra yena ri n'wi hanyisile.”

¹⁹² Wansati a swi tiva, ha leswi, leswaku, Vaheveru 4:12, “Rito ri vonisisa mianakanyo, na makungu ya mbilu.” Xihlawulekiso xa Yena xi N'wi tivisile kuva a ri “Rito ra Xikwembu leri endliweke nyama ni ku tshama exikarhi ka hina.” Amen.

¹⁹³ Ndzi ehleketa leswi fanaka vusiku lebyi swa N'wi tivisa, Yesu Kreste loyi a nga pfuka a hanyakwa exikarhi ka hina vusiku lebyi, yaluya wa tolo, namunthla, ni hilaha ku nga heriki. Sweswi, tani hi leswi Vaheveru 13:8 leswaku yi nga ntiyiso, vumunhu bya Yena byi ta N'wi tivisa namunthla, tani hilaha byi swi endleke eku sunguleni, hi maendlelo man'we.

¹⁹⁴ Langutani eka Kleopa na vona, endzhaku ka ku pfuka. Yesu u ti tivisile yena hi Yexe hi ndlela leyi Yena a nga phemisa xiswona xinkwa lexiya, leswaku U swi endlile ntsena hi ndlela leyi Yena a nga yi endlisa xiswona loko A nge se vambiwa. Nakona va . . . Sweswo swi tivisile xihlawulekiso xa Yena, hikuva yaleyo i ndlela leyi A nga swi endlisa xiswona.

¹⁹⁵ Sweswi loko Yena a ri kona lahawani vusiku lebyi, xana A ta ti tivisa njhani hi Yexe? Ntsena tani hilaha Yena a endleke hakona tolo, hikuva Wa ha fana na namunthla, nakona u tava hilaha ku nga heriki. I ku ti tivisa. Vaheveru 4, mune- . . . 14 na 15, “Hi Yena sweswi. . .” Yi ri, “Hi yena Muprista wa hina Lonkulu loyi a nga khumbhiwaka hi matitwele ya ku tsana ka hina.” Hi Yena Muprista Lonkulu wa hina sweswi. Endzhaku ka ku pfuka ka yena, endzhaku ka rifu ra Yena, endzhaku ka ku lahliwa ka Yena, endzhaku ka ku pfuka ka Yena, endzhaku ka ku tlhandluka ka Yena, amen, U tshama a hari yaluya wa tolo, namunthla, na hilaha ku nga heriki, Muprista Lonkulu loyi a nga khumbhiwaka hi matitwele ya ku tsana ka hina. Amen. Hi yena sweswo, kona sweswi, eka wanuna un'wana na un'wana na wansati un'wana na un'wana lahawani loyi a nga ta swi pfumela. Hi Yena Muprista Lonkulu wa hina, la fanaka na tolo, namunthla, na hilaha ku nga heriki.

¹⁹⁶ U tshama a ri karhi a hanya. Ma swi pfumela sweswo xana? [Nhlengeletano yi ku, “Amen.”—Muhleri.] Swihlawulekiso swa yena swi yisa emahlweni swi N'wi tivisa ku fana tani hi leswi A ri xiswona loko A ha hanya emisaveni. Wa ha hanya na kwala, vusiku lebyi, hi xivumbeko xa Moya lowo Kwetsima. U tshama a ri karhi a hanya. Nakona swihlawulekiso swa Yena swa N'wi landzela, ntsena tani hilaha swi swi endleke minkarhi hinkwayo, loko kuri leswaka Wa hari eku hanyeni.

¹⁹⁷ Ndza khensa swinene, vusiku lebyi, leswaku, “Xikwembu, hi minkarhi leyo tala na mikhuva leyo hambana-hambana xi

vulavurile na vatatana hi vaprofeta, eka masiku lawa yo hetelela hi N'wana wa Xona Yesu Kreste."

¹⁹⁸ Mina, a ndzi swi tivanga leswaku ndzi vulavurile nkarhi lowo lehisa sweswo. Ndzi rivarile leswaku a wu ri hi ndlela yaleyo. Ndzi khomeleni. Ntsena ndzi ta . . . ndzi ta yima.

A hi khongeleni.

¹⁹⁹ Tatana wale matilweni, Xikwembu xa tintswalo letikulu! Hosi, ndzi—ndzi . . . nkarhi wun'wana ndzi vulavula ngopfu. Ndza khongela, Xikwembu, loko ndzi swi endlile, Wena u ta ndzi rivalela. Kambe, Hosi, a ndzi nge kombeli ku rivaleriwa eka leswi ndzi nga swi vula. Ndzi vule ntsena leswi Wena u nga swi vula eRitweni ra wena lahawani.

²⁰⁰ Sweswi ntsena rito kumbe mambirhi yo huma eka Wena, Hosi, kumbexani un'wana na un'wana lahawani a nga kota ku swi vona vusiku lebyi. Lavantsongo, vanhu lava va vabyaka va ta hanyisiwa loko va swi vona leswaku wa ha ri Yena Muprista Lonkulu wa hina wa kahle. Ndza khongela, Hosi, eka timinentse tintsongo leti ti landzelaka, leswaku U ta endla Hungu leri leswaku ri hanya nakambe hi xiviri. Eka leswi ndzi nga swi vula hi Rito, ingaku xihlawulekiso xa Wena xi nga ha Ku tivisa exikarhi ka hina, vusiku lebyi, leswaku wa ha ri Yena la fanaka na tolo, namuntlha, na hilaha ku nga heriki, hikuva swi le ka Vito ra Yesu ha swi kombela. Amen.

²⁰¹ Ntsena xinkadyana sweswi. Hi, ndzi—ndzi hlwerile nyana, kambe mi nga kondzelela nyana leswaku hi va na layini ya xikhongelo ya khume ntlanu wa timinetse, makume mbirhi wa timinetse? Loko mi swi tsakela, yimisani mavoko ya n'wina, mi ku, "Hina . . ." Swi lulamile, ndza mi khensa—khensa. Ndzi tshembhisile ku mi humesa hi hafu ku bile awara ya nkaye. Hi wona nkarhi walowo sweswi; i makume mbirhi wa timinetse yi bile. Swingaleswi loko mi nga kota ku ndzi nyika kwalomu ka khume wa timinetse, ndzi ta hatlisa.

²⁰² A hi voneni, hi wahi makhadi ya xikhongelo lawa va nga ya humesa namuntlha? [Makwerhu a ku, "O"—Muhleri.] O? Yini, hi sungule kwihi vusiku byin'wana, n'we, n'we? ["Ndzi ehleketa leswaku a kuri n'we."] Ina, ahaa.

²⁰³ Nakona hi, vusiku bya tolo, ntsena hi . . . Moya lowo Kwetsima . . . a ndzi ri eku yingiseleni namuntlha, na ku vuyelerisa leswi swi nga vuriwa. Yan'wana ya wona i mavito ya Xifurwa, a ndzi ri . . . Moya lowo Kwetsima; ndlela yin'we ntsena leyia a ndzi ta swi endla, ntsena ku rindzela na ku vona.

²⁰⁴ Wa vona, nkarhi wun'wana loko mi vona xivono, xi fanele xi hundzuluxiwa na kuva xi tolokiwa. Xa hlamusetiwa. Xivono, ku kotisa loko—loko mi nga vona e—e nyimpfu, sweswo swi nga ha vula wulu. Ma vona, u ta fanelia kuva na vuundzuluxeri bya xona, ma vona, kutani u hundzuluxa xivono xexo kutani u xi toloka.

²⁰⁵ Nakona ndzi swi xiyisisile vusiku lebyi byi nga hundza, ndzi—ndzi tsandzeke ku ya vula kahle mavito lawa ya Xifurwa, a ndzi fanele ku ya peleta kunene.

²⁰⁶ E Afrika na ku rhendzeleka hi Mahottentots lawa na mahedeni, na swin'wana, a wu ta kota ku peleta mavito ya bona kahle, u va byela leswaku hi bona va mani, u ma peleta hi ririm ra bona. Vona, a va ta swi tiva leswaku a kuri yini, ntsena loko wa ha ripeleta. Kambe, ma bona, kambe Yena u tiva tindzimi hinkwato. Hi Yena Xikwembu lexi nga Heriki.

²⁰⁷ A hi sunguleni vusiku lebyi ku suka eka, a hi nge, makume nkombo-ntlhanu, ku fika eka dzana, eka O. Hi yona O, hi swona leswi hi nga swi vula? Ndzi...[Makwerhu a ku, "Ina. O."—Muhleri.] O, O. Ina. Swi lulamile. I mani loyi a nga na khadi ra xikhongelo ra makume nkombo-ntlhanu, a hi ri vonen? Eka O, khadi ra xikhongelo ra O, makume nkombo-ntlhanu, yimisa voko ra wena, loyi a nga vaka a ri na rona. Ti O. Swi lulamile. Tana *lahawani*. Makume nkombo-ntlhanu, makume nhungu, makume nhungu-ntlhanu, makume nkaye, makume nkaye-ntlhanu, dzana, tanani hi ndlela *leyi* loko mi nga swi kota. Swi lulamile, i, folani hi lahwani, hi xihatla, hikuva a hi ngevi na nkarhi. Ndzi ta tshembha ntsena leswaku mi ta swi endla.

²⁰⁸ Langutani eka khadi ra n'wina ra xikhongelo. Langutani eka khadi ra xikhongelo eka makhelwani wa n'wina. Yini... Kutani loko un'wana a lamarile, va fambiseni va ta eka layini ya xikhongelo. Swingaleswi loko va ri na O, kukotisa ntsena O, makume nkombo-...

²⁰⁹ Makume nkombo-ntlhanu ku fika eka dzana, folani *lahawani*, loko mi swi tsakela. Hambi mi ngava mi ri kwihi, eka tibalkhoni, na ma n'wana, tanani haleno, nakona tanani elayinini hi xihatla tani hilaha swi kotekaka hakona, loko mi swi kota, leswaku hi hlayisa nkarhi.

²¹⁰ Sweswi hinkwerhu ka n'wina lahwani, lava va pfumalaka makhadi ya xikhongelo, mi nga yimisa mavoko ya n'wina mi ku, "A ndzi na khadi ra xikhongelo, Makwerhu Branham, kambe ndza pfumela?" Yimisani mavoko ya n'wina.

²¹¹ Sweswi tsundzukani, ndzi ya eku vulavuleni na n'wina hi Muprista Lonkulu. "Hi yena Muprista Lonkulu loyi a nga khumbhiwaka hi matitwele ya ku tsana ka hina." Hi Yena *Yehovha-Yire*, "Xitlhavelo xa Hosi lexi xi nga tisiwa." Hi Yena *Yehovha-Rhapa*, "Hosi leyi yi horisaka mavabyi ya n'wina hinkwawo." Ma swi pfumela sweswo xana? [Nhlengeletano yi ku, "Amen."—Muhleri.] Hi Yena *Yehovha-Manasi. Musirheleri, xitlhangu, ku rhula* ka hina, wa ha ri Yena. Kunene, i va ngani lava pfumelaka hinkwawo mavito lawaya yo kutsula ya Yehovha leswaku a ya tirhisiwa eka Yesu? ["Amen."] Hakunene, A fanele kuva tano. Loko Yena—loko Yena...Hikokwalaho ka yini, a ya hambaniseki, swingaleswi A fanelia kuva wona hinkwawo.

Nakona loko Yena a hari Yehovha-Yire, hi Yena Yehovha-Rhapa. Loko kuri leswaku hi Yena Yehovha-Yire... Hi Yena *Yehovha-Yire*, i “Xitlhavelo xa Hosi lexi xi nga tisiwa xa ku ponisa,” kutani hi Yona *Yehovha-Rhapa* loyi a “hanyisaka mavabyi hinkwawo.” Amen. Ku hanyisa ku ta ntsena hi Xikwembu.

²¹² Hi swona, loko vanhu va ha fola; a ndzi va nga na nkarhi wo vona leswaku i va mani na leswi va nga swona. Kambe sweswi, hinkwenu n'wina mi nga kwalaho n'wina mi swi tivaka leswaku a ndzi mi tivi, yimisani mavoko ya n'wina, mi ku, “Ndzi na xilaveko xa Xikwembu. Kambe a wu ndzi tivi, Makwerhu Branham, kambe ndzi na xilaveko xa Xikwembu. Ntsena ndzi ya eku yimiseni ka voko ra mina.”

²¹³ Sweswi loko ntsena mi nga tshamiseka timinentse tintsongo, mi hlalela, mi tivonela, mi miyela. Sweswi a ndzi vuli leswaku, loko ndzi ku, “mi miyela,”... Loko Hosi yi endla swin'wana na swin'wana, mi lava ku yi dzunisa Hosi; sweswo i ku gandzela. Kambe leswi ndzi swi vulaka, “ntsena ku tsutsuma-tsutsuma mi rhendzeleka, mi tlakuka,” ma swi tiva, sweswo a hi ku hlonipha. Ma vona? Nakona Moya lowo Kwetsima wu na ku nyuma, wa nyuma swinene. Ma vona? Ntsena swin'wana na swin'wana swo kotisa sweswo, ntsena wa ndzi sukela, kutani ndzi fanele ku sala ndzi lwa kwalaho, nakambe, ma vona. Kambe loko mi nga yingisela!

²¹⁴ Ma xi tsundzuka xitshembhiso xa Yena xo rhanga? “Kuma vanhu leswaku va ku pfumela, nakona u tshembheka, ku hava lexi xi nga yimaka emahlweni ka xikhongelo.” Ma swi tsundzuka sweswo xana? [Nhlengeletano yi ku, “Amen.”—Muhleri.] Hi swona sweswo. Nakona sweswo i... A ndzi se tshama ndzi swi vona swi hluleka, nakona swi ngaka swi nga hluleki. I Xikwembu.

²¹⁵ Sweswi hi ta hatlisa na layini ya xikhongelo, swingaleswi hi nghanisa votala lava hi nga va kotaka, hi ku endlela vanhu. Kambe n'wina lava mi nga na makhadi ya xikhongelo nakona mi nga vitaniwanga vusiku lebyi, khomani khadi ra n'wina, hi ta mi kuma. Hi swona.

²¹⁶ Sweswi n'wina mi nga kwale handle mi nga riki na makhadi ya xikhongelo, tsundzukani. Kumbe, n'wina kwale handle, hambi mi na makhadi ya xikhongelo kumbe a mi na wona, ntsena pfumelani leswaku U kotisa Vaheveru kavanyisa ka vu⁴ lahawani. “Hi Yena Muprista Lonkulu loyi a nga khumbhiwaka hi matitwele ya ku tsana ka hina.” Vonani loko Yena a ha ri... Vonani loko Yehovha a ti yimerile hi Yexe exikarhini ka vanhu va Yena, tani hilaha A swi endleke emasikwini ya Sodoma. Hi swona.

²¹⁷ Hi swona, nkulukumba. Sweswi a hi khongeleni, sweswi, vanani na xichavo hakunene. Sweswi tsundzukani, Rito ro huma eka Xikwembu ri tlula leswi nga vuriwaka hi mani na

mani. Sweswi, wanuna loyi a nga lahayani, a ndzi—ndzi n'wi tivi. Nakona ndza pfumela leswaku u... U muluveri eka mina, u yena, nkulukumba? [Makwerhu a ku, "Ina."—Muhleri.] U muluveri. Hi tiva nchumu wun'we ntsena, leswaku havumbirhi bya hina hi ta fanela ku yima eka Vukona bya Xikwembu siku rin'wana; tani hi vanhu, hi ta fanela ku hlangana Kwalahaya. Lowu i nkarhi wa hina wo sungula ku hlangana.

²¹⁸ Sweswi loko u ta lahayani, loko u vabya, a ndzi swi tivi; ku nga hava ku ri swin'wana, wa vona. Kambe loko ndzi—loko ndzi tlhandlekile mavoko eka wena, ndzi ku, "A ku dzunisiwi Hosi! Famba, u hola." Sweswo swi lulamile. U nga swi pfumela sweswo. Kambe swi ngava njhani loko A ku byela leswi swi nga hoxeka hi wena? Sweswi, wa vona, sweswo swi hambanile, kutani wa swi tiva leswaku sweswo swi tivisa xihlawulekiso xa Yena. Wa vona, xexo xi tava xi ngari xihlawulekiso xa mina. Ndzi munhu; a ndzi nga ta tiva nchumu ha yena. Ntsena ndza n'wi byela leswaku, "A ndzi ku tivi." Na yena a nga ndzi tivi. Kambe sweswo swi ta endla yini? Sweswo swi nga tivisa xihlawulekiso xa Yesu Kreste la fanaka na tolo, namuntlhha, na hilaha ku nga herki. Hi ku tiva leswaku a ku nga tava kuri mina, ku ngaka ku ngavi mina, hikuva a ndzi n'wi tivi wanuna loyi. Ndzi ta yimisa voko ra mina; hi *leri* Rito. Ma vona? A ndzi n'wi tivi. A nga ndzi tivi. Kambe xihlawulekiso xa Yesu Kreste...

²¹⁹ Loko Yesu a yimile lahayani, nakona yena, a vabya, loko a nga ku, "Hosi Yesu, ndzi hanyisi," xana Yesu a ta ku yini eka yena? "I khale ndzi swi endlile." A hi swona sweswo xana? [Nhlengeletano yi ku, "Amen."—Muhleri.]

²²⁰ "U vavisiwile hikwalaho ka ku dyoha ka hina; hi timbangta Yena hi horisiwile." Hinkwako ku kutsuriwa loku hi nga tshamaka hi va na kona ku tshamisekile exihambanweni. Ku sukela kwalahaya ku ya emahlweni, i ripfumelo, ku pfumela ntirho lowu wu nga hela. A hi swona xana? [Nhlengeletano yi ku, "Amen."—Muhleri.] Hi swona.

²²¹ Sweswi, sweswi loko Yesu a ri eku hanyeni, nakona ndzi vulavurile hi Rito ra Yena... Hi sweswo, ku tlhelela endzhaku eka ku olova kwaloko na ripfumelo, ku pfumela Rito ra Yena. Loko Yena a ta hlangana na mina vusiku byebyo, U te, "U ta humelela leswaku u ta swi tiva swihundla swa timbilu ta vona. Va ngaka va nga pfumeli xikombiso lexiya xo sungula xa voko, va ta fanela ku pfumela lerin'wana." Ma vona? "A va swi endlisweswo, kutani ngati yi rhukana misava."

²²² Ntsena tani hilaha yi nga swi endla hi nkarhi wa Muxe. Ri te, "Loko va nga pfumeli swikombiso swimbirhi, kutani chela ngati ehenhla ka misava," wa vona, "chela mati ehenhla ka misava, yi ta hundzuka ngati."

²²³ Sweswi ntsena ku kuma leswaku, loko ntsena ndzi nga vona leswaku xiphijo xa wena i yini, sweswo swi ta ku enetisa ni ku

endla leswaku u pfumela, a swi nge endli tano xana? [Makwerhu a ku, "I ntiyiso."—Muhleri.] Wa swi tiva leswaku swi ta fanela kuva swi ri xihlawulekiso xa Munhu loyi ndzi vulavulaka hi yena, Yesu Kreste.

²²⁴ Wanuna, ntsena loko ndza ha ku n'wi languta, u tlhelela endzhaku. U rhendzele hi ndzhuti. A hi nchumu lowu murhi wu nga n'wi pfunaka wanuna loyi. U le ka xiyimo xo fa. Hi swona sweswo. U vile na vuhandzuri, nakona vuhandzuri a byi ri vuhandzuri bya vununa. Nakona i mfukuzani, nakona mfukuzani yi hangalakile hinkwako eka wena. Loko sweswo swi ri ntayiso, yimisa voko ra wena. I Xikwembu ntsena xi nga n'wi horisaka. [Makwerhu a ku, "Haleluya! Haleluya! Haleluya!"—Muhleri.] Kambe, languta, ndzi lava ku vula swin'wana eka wena, nkulukumba. Javulosi yaloye a nga hava a tumberile eka mukwana wa dokodela, kambe a nge swi koti ku tumbelela Xikwembu. Wa swi pfumela sweswo xana? Wa swi pfumela xana? ["Oho! Oho!"] Kutani ndza khongela, leswaku, hi Vito ra Yesu Kreste, ingaku nchumu lowu wu nga ha n'wi tshika, ingaku wanuna a nga ha hanya. A hi nchumu; ntsena ku kumeka u tsana. Hi swona.

²²⁵ Mina na wena a hi tivani eka un'wana na un'wana, wanuna na wansati va hlanganile. Sweswi, tani hi munhu, a ndzi ku tivi. Nakona kumbexani, tani hi wansati, a wu ndzi tivi; a wu ndzi tivi ku tlula loko u vonile vito ra mina, kumbe xifaniso, kumbe xin'wana xo kotisa xexo. Kambe a hi tivani. Byebyo i yumunhu bya hina. A hi byi tivi yumunhu bya un'wana eka un'wana. Kambe xihlawulekiso xa Kreste, hi Yena Rito, nakona Rito ri tshembhisiwile eka siku leri. U ndzi twile ndzi vulavula hi swona. Kutani swihlawulekiso swa Yena swi ta N'wi tivisa kwalahawani. Ku ngari mina ndzi N'wi tivisaka. A ndzi ku tivi. Wa swi twisia. Nhlengeletano ya hina—hina ya swi twisia sweswo? [Nhlengeletano yi ku, "Amen."—Muhleri.] Wa vona? Ndzi—ndzi munhu. Ndzo va makwenu wa wena ntsena.

²²⁶ Kukotisa wansati exihlobyen, ku vula swin'wana leswi nga hoxeka, swin'wana swi hoxekile hi wena, kumbe leswi u swi lavaka, kumbe leswi u nga tela swona lahwani. Pfumelela Xikwembu xi va muavanyisi wa sweswo. U xaniseka hi xiyimo xa anemia. Hi swona sweswo, a hi swona xana? [Sesi a ku, "Ina."—Muhleri.]

²²⁷ Ndza—ndza swi ba sweswo hakanyingi, un'wana u ehleketa leswaku ndzo swi bvumbha. A ndzi swi bvumbhi sweswo. Ee. Kambe endzhaku ka nkarhi, ndza swi twa sweswo, un'wana. A wu nge yi tumbeti mianakanyo ya wena sweswi. Sweswi ku na kwalomu ka, ndza swi tiva, vakanakani vambirhi va xiviri va nga tshama lahwani. Ma vona? Swingaleswi sweswi tsundzukani ndzi nga ha vitana mavito ya n'wina, na wona, Xikwembu xi nga ha swi endla, swingaleswi tshikani ku ehleketa sweswo. Mi nge ndzi mi komba.

²²⁸ Languta lahawani, wansati. Ndzi languti. A ndzi swi tivi leswi A nga ku byela swona, kambe ndzi—ndzi tiva leswi Yena a nga xiswona. Nakona xexo i xihlawulekiso xa Yena lexi xi nga tivisiwa. Ina, i xiyimo xa anemia, ngati, mati.

²²⁹ Sweswi, lahawani, hi leswi swin'wana. Langutani loko va ehleketa leswaku leswi i ku bvumbha. U na n'wana loyi u nga eku n'wi khongeleleni, loyi a nga kwala. [Sesi a ku, "Ina."—Muhleri.] Hi swona sweswo. U na, enkolweni wa yena, ["Ina."], minkolo, adenoids. U lava ku ya eka vuhandzuri. A hi swona? ["Ina."] Teka xidukwana xexo u n'wi tlhandleka xona, nakona u pfumela. ["Ina."] U nga kanakani. A nge kali a lava vuhandzuri. Sweswi pfumela hi mbilu ya wena hinkwayo.

²³⁰ Ku njhani? Mhaka i ku, eka wansati loyi a nga lahawani, leswaku wa chava hikwalaho ka swin'wana. Wa chava leswaku mfungho lowu u nga tswariwa na wona wu ncincele eka mfukuzani. Ahaa, ahaa. Sweswi famba, u pfumela, nakona a wu nge hevi hi ndlela yaleyo. Ntsena tifambeli, u ri karhi u pfumela hi mbilu ya wena hinkwayo. Swihlawulekisi, ku ngari swa mina; swa Yena!

²³¹ Ma pfumela sweswi? [Nhlengeletano yi ku, "Amen."—Muhleri.] Sweswo swi fanele ku endla leswaku un'wana na un'wana a pfumela. ["Amen!"]

²³² Sweswi, a ndzi ku tivi. Ndzi muluveri eka wena. Xikwembu xa ku tiva. Wa swi pfumela sweswo xana . . . ? Wa swi tiva leswaku a ndzi ku tivi, nakona wa swi tiva na wena leswaku a wu ndzi tivi, swingaleswi wa pfumela leswaku Moya lowu wu nga eku vulavuleni wu ngaka wu ngavi moya wa mina? Hikuva, mina, tani hi munhu, a ndzi ku tivi. Kambe xihlawulekiso xa Rito leri nga tshembhisiwa i Rito leri ri karihaka ku tlula tlharhi leri ri nga na vukarhi hi matlhelo ha mambirhi, na ku kambisia mianakanyo na makungu ya timbilu.

²³³ Wa vabya swinene. A wuri na vuvabyi bya xisati, laha ku nga xivelekelo, nakona xivelekelo xexo a xi ri na mfukuzani. Nakona u yile u ya teka swin'wana swa maendlelo ya vutshunguri, a byi ri vutshunguri bya radiyamu, nakona nchumu lowu byi nga wu endla i kuva byi yi hangalasa hinkwako eka wena. Nakona u ta—u ta fa loko Xikwembu xi nga ku hanyisi. Walowo i ntiyiso. Wa pfumela sweswi leswaku Xi ta ku hanyisa? [Sesi a ku, "Ina."—Muhleri.] Leswaku Xikwembu xa Tilo xi nga tshinya javulosi loyi a nga tumbelela dokodela. ["Oho!"] A nga hava a tumbelerile ku suka eka vutshunguri bya rhadiyamu, kambe ku ngari eka Moya lowo Kwetsima. Famba, u N'wi pfumela, sweswi, sesi. U nga kanakani eka hinkwaswo, kambe pfumela.

²³⁴ Wa pfumela leswaku Xikwembu xi nga horisa xiyimo xexo xa asthma, nakona xi ku endla u hanya? [Makwerhu a ku, "Ina."—Muhleri.] Wa swi pfumela xana? Kutani ti fambeli hi

ndlela ya wena, u ti tsakerile, u ku, "Ndza Ku khensa, Hosi. Ndza pfumela leswaku asthma ya mina yi fambile."

²³⁵ Ku njhani? U na rhumbyana. U vile na rhumbyana nkarhi wo leha. Kwalahaya, ri endlile mfukuzani wa marha yo gayela leswaku yi ta ekhwirini, laha yi ku endlaka leswaku u—u lumalumiwa ekhwirini. Nakona u lava... U lava ku dya swakudya swa ni madyambu xana? Xana u ta swi endla leswi ndzi nga ta ku byela leswaku u swi endla? Famba, u ya dya, hi Vito ra Hosi Yesu.

²³⁶ Xana wa pfumela hi mbilu ya wena hinkwayo xana? [Sesi a ku, "Ndza pfumela."—Muhleri.] U nhwana lontsongo wa kahle wa matimba, swi languteka tano. Xana wa ndzi pfumela leswaku ndzi nandza wa Yena xana? ["Amen."] Xana wa pfumela leswaku xihlawulekiso xa Yena xi ngava kona kwala, eka... eRitweni, hi Roxe, na le ka xitsembhiso xa siku leri, "Mintirho leyi Ndzi yi endlaka mi ta yi endla na n'wina"? ["Amen."] A ndzi swi koti ku hanyisa. I khale Yena a swi endlile sweswo; kambe xihlawulekiso xa Yena xi kombeta Yena, xi nga ha vula leswi swi nga hoxeka hi wena. U karhatiwa hi vuvabyi bya va manana, xilumi. ["Ina, nkulukumba."] Wa pfumela leswaku Xikwembu xi xi horisile sweswi? ["Ina. Amen."] Tifambele endleleni ya wena, a xi nga ha ku karhati nakambe. Pfumela hi mbilu ya wena hinkwayo.

²³⁷ Xana wa ndzi pfumela kuva ndzi ri nandza wa Xona xana? [Sesi a ku, "Ina, nkulukumba."—Muhleri] Loko Xikwembu xi nga ndzi byela leswi swi ku karhataka, u ta pfumela leswaku i xihlawulekiso xa Yesu Kreste? Swi le nhlaneli wa wena. A swa ha ri kona. Famba, u pfumela hi mbilu ya wena hinkwayo. Pfumela.

²³⁸ Tana, wansati. Na wena u karhatiwa hi le khwirini. Pfumela hi mbilu ya wena hinkwayo, nakona ti fambeli u ya tidyela swakudya swa wena swa ni madyambu. U rivala ha swona. Yesu Kreste u ku hanyisile.

²³⁹ Tana. Xiphiko xa wena i ngati ya wena. U na chukele. Wa pfumela leswaku Xikwembu xi ta ku hanyisa xi ku horisa eka sweswo? Tifambeli endleleni ya wena, u ku, "Ndza Ku khensa, Hosi Yesu," u ta ku hanyisa. Tifambeli, u pfumela hi mbilu ya wena hinkwayo.

²⁴⁰ Tana. Nhlana wa wena, wa pfumela leswaku Xikwembu xi nga horisa nhlana xi ku hanyisa? Ti fambeli endleleni ya wena, u tsaka, u ku, "Ndza Ku khensa, Hosi Yesu."

²⁴¹ Na wena a wuri na swin'wana swi nga hoxeka hi nhlana wa wena. Ntsena tshamela ku famba, u ri karhi u ku, "Ndza Ku khensa, Hosi. Ndzi hanyisiwile." Swi pfumeli hi mbilu ya wena hinkwayo.

²⁴² Na wena a wu karhatiwa hi nhlana. U tiva yini ha sweswo? Pfumela hi mbilu ya wena hinkwayo sweswi, nakona ti fambeli endleleni ya wena nakona u hanyisiwa. U pfumela leswaku

Yesu Kreste u ku hanyisile. “Loko u nga pfumela ntsena, swilo hinkwaswo swa koteka.” Hi swona.

²⁴³ A switava njhani loko a ndzi lo ka ndzi nga vuli nchumu eka wena, ntsena ndzi hundza kutani ndzi n’wi tlhandleka mavoko, wa pfumela leswaku wansati a ta hanyisiwa? Va vona leswi nga hoxeka. Wa pfumela leswaku a ta hanya? Tana haleno. Ndza n’wi venga javulosi loyi, hi Vito ra Yesu Kreste. Leswaku matimba ya Xikwembu ya nga hanyisa n’wana loyi. Amen. U nga kanakani, u nga kanakani eka hinkwaswo, nakona u ta hanya. Pfumela hi mbilu ya wena hinkwayo.

²⁴⁴ Loko Xikwembu xi nga ku hanyisi, u ta famba hi tinhonga siku rin’wana, hi vuvabyi bya marhambu. Kambe wa pfumela leswaku Xikwembu xi horisile vuvabyi bya wena bya marhambu? Kutani famba, u ku, “Ndza Ku khensa, Hosi. Ndzi ta Ku pfumela, nakana U ndzi hanyisa.” Hi swona.

²⁴⁵ Tana sweswi. Hakunene i malembe ya wena. U na rhumbyana swinene. U khomiwa hi rhumbyana swinene, loko riperile namadyambu. Loko u tirha na swin’wana, u na ritukulu swinene. Wa pfumela sweswi? A ri nga ha ku karhati nakambe sweswi. Tifambeli hi ndlela ya wena, u ri karhi u ku, “Ndza Ku khensa, Hosi Yesu.”

²⁴⁶ Tana, nkulukumba. Xana wa pfumela leswaku Xikwembu xa horisa xiphiqo xa mbilu? [Makwerhu a ku, “Ina.”—Muhleri.] A nga yi hanyisa mbilu ya wena xana? Ntsena tshamela ro famba, u ri karhi u ku, “Ndza Ku khensa, Hosi. Ndzi pfumela hi mbilu ya mina hinkwayo.”

²⁴⁷ Xikwembu xa horisa TB, na ku hanyisa, nakona. Xana wa swi pfumela sweswo, nkulukumba, hi mbilu ya wena hinkwayo? [Makwerhu a ku, “Ndza swi pfumela.”—Muhleri.] Hi swona. Tifambeli hi ndlela ya wena u ri karhi u tsaka, u ku, “Ndza Ku khensa, Hosi Yesu.”

²⁴⁸ Wena u nga kwalano ehandle-ke, wa pfumela xana? Vayingiseri vona-ke? Van’wana va n’wina vayingiseri ma pfumela sweswi.

²⁴⁹ Wanuna loyi a nga tshama lahawani, a nga na sindzekelo, wa pfumela leswaku Xikwembu xi ta hanyisa ku karhatiwa hi sindzekelo walowo? Hi swona, u nga hava na leswi u nga swi kombela, kwalaho. Amen.

²⁵⁰ Ntshikelelo wa ku tlakuka ka ngati, u tshame endzhaku ka yena kwalaho. Xana wa pfumela leswaku Xikwembu xi ta ku hanyisa eka ku tlakuka ka ngati ya yena? Ku ku sukerile, nkulukumba. A ndzi n’wi tivi, a ndzi se tshama ndzi n’wi vona evuton’wini bya mina.

²⁵¹ Ndzi ri, nkulukumba, wa pfumela leswaku vusindzi bya misiha ya wena, ku rhurhumela ka vusindzi bya misiha ya wena,

wa pfumela leswaku Xikwembu xi ta byi horisa? Wa pfumela? Yimisa voko ra wena loko u pfumela. Swi lulamile.

²⁵² Nsati wa wena u tshamile lahaya, u karhatiwa hi xiphiko xa ku pfaleka tinhompfu. Wa pfumela leswaku swi ku sukerile, na wena, sesi?

²⁵³ Wansati loyi a nga tshama endzhaku ka hina lahaya, u na neuritis. Wa pfumela leswaku Xikwembu xi ta horisa neuritis ya wena, wansati?

²⁵⁴ Hi loyi wansati a nga na xijazana, a nga na xijazani xo tshwuka, lahawani. U tshamile lahaya. U na xiphiko xa ku pfaleka tinhompfu, na yena. Wa pfumela leswaku Xikwembu xi nga horisa xiphiko xa ku pfaleka tinhompfu ta wena-ke? Yimisa voko ra wena, loko u swi pfumela.

²⁵⁵ Munhu un'wana na un'wana loyi a nga lahawani a pfumelaka leswaku swihlawulekiso swa Yesu Kreste swi le xikarhi xa hina, vusiku lebyi, yimisa voko ra wena, u ku, "Ndza swi pfumela." [Nhlengeletano yi tsaka yi ku, "Ndza swi pfumela!"—Muhleri.]

²⁵⁶ Hinkwenu n'wina mi nga lahawani, mi nga ta N'wi amukela tani hi muhorisi wa n'wina, yimani hi milenge ya n'wina, kutani mi ku, "Ndza swi pfumela." Tlakukani. Yimani, mi suka eswitudiwini swa n'wina, hambi ku ngava yini. Yesu Kreste wa ha fana na tolo, namunthla, na hilaha ku nga heriki. Ndzi mi nyika swona, hi Vito ra Hosi Xikwembu.



*XIKWEMBU XA TI TIVISA XONA N'WINYI
HI SWIHLAWULEKISO SWA XONA* TSO64-0320
(God Identifying Himself By His Characteristics)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavuntlhanu nimadyambu, Nyenyankulu 20, 1964, eDenham Springs High School eDenham Springs, Louisiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org